

曲海总目提要

曲海總目提要卷三十五

江都黃文暘原本

武進孟 森校訂

百歲圓

不知何人所作。演司馬光事。謂光父子榮顯。母登百歲。故云百歲圓。種種謬誕。俱齊東野人語。蓋鄙妄人所編也。据云。司馬光妻鮑氏。子四人。長康。已中進士。母年九十六。光任龍圖閣直學士。元豐七年。與諸臣崇政殿講論。司農卿鄧綰。請行農田水利。青苗免役等新法。光議不合。乞假養親。詔留輔政。命子歸省。福清人鄭俠。舉進士。官光州司法參軍。綰薦入京。授安上門監察。見流民爲新法所苦。欲繪圖上達。革除朝弊。綰毀其圖。畫工李榮。年甫十二。幼失怙恃。撫于鄰家。畫師遂擅絕技。俠復命榮繪圖。見其兩掌各有痣。心頗奇之。留署中讀書。以其圖送銀臺司上達。詔盡革新法。會哲宗冲齡嗣位。光居政府。遐邇嚴憚。以

母年九十九辭朝歸祝母壽。綰嘗薦道士王老志封爲通微洞元真人。光力排之。值光歸。綰及蔡京與老志立議單。使通于金。云光謝事可率兵擁幼主北往。幼主二掌心各有痣不能僞也。老志如言詣金。遂統兵逼汴京。要哲宗詣營。鄧綰蔡京故作難色。而鄭俠爲御史中丞。度必有通謀者。於是密奏太后飛騎召光。而以李榮代往。光聞其事未及朝。遂單騎入金營索哲宗。及見李榮大駭。叱其非是。而金亦疑光。使老志驗光真僞。光度老志當有奸謀。請得挈歸。及還朝。綰京以哲宗已在金營。請立岐王。且治鄭俠之罪。俠以李榮事告光。光請哲宗御崇政殿。嚴鞫老志。出議單質于帝前。乃以綰京正法。光晉爵上柱國。俠加吏部尙書。李榮有代主功。封列侯。賜婚俠女。光子四人皆登科甲。母壽百歲。詔賜金幣。命光父子榮歸拜祝。後入朝輔政。按司馬光陝西夏縣人。劇中進士甲

科。神宗時擢翰林學士。與王安石呂惠卿于上前極論新法之弊。劇言似有因

直學士乃在英宗時。非神宗時也。劇言光與司農卿鄧綰太常典禮蔡京崇政殿說書程頤並議。綰欲行新法。光頤力駁之。則謬。綰附安石。超擢至御史中丞。

然新法非其所創也。蔡京於新法無涉。臣願哲宗時始為崇政殿說書。神宗時未嘗為朝官也。拜樞密副使。力辭不受。乃以為

端明殿學士。出知永興軍。判西京御史臺。提舉崇福宮。進資治通鑑。加資政殿

學士。居洛陽十五年。哲宗初。太皇太后臨政。起為門下侍郎。劇云纂修通鑑。拜參知政事。誤劇中

未言母姓。按光母聶氏。封溫國太夫人。然未嘗有百歲之說。劇緣節為美談也。光妻張氏。禮部尚書張存女。封清河郡君。先卒。追封溫國夫人。劇云鮑氏。誤。王

安石為相。姪行青苗助役。農田水利。謂之新法。光首言其害。以身爭之。士大夫

言新法不便者。皆倚以為重。劇述光言。所立新法。如農田水利。均輸保甲。青苗

免役。市易。保馬。方田。諸役。俱無益于民。與正史合。但新法一歸罪於鄧綰。則以

避不指王安石也。劇云。光四子。康。二。甲。第一。按光三子。童。唐。早亡。康。以明經上

第。為祕書省校書郎。遷著作佐郎。兼侍講。劇又云。立哲宗時。元祐元年。拜尚書

以光言為定。按光自哲宗初召入。安得預立哲宗之事。謬甚。又按鄭俠字介夫。福清

左僕射。是年卒。年六十八。劇所述光哲宗時事。俱大謬。不根。敍光家門亦不的。又按鄭俠字介夫。福清

人。進士高第。調光州司法參軍。為王安石所知。欲用為京官。俠以青苗免役。保

甲市易等事。為非辭不肯受。乃除監安上門。熙寧六年不雨。至七年三月。俠知

安石不可諫。悉繪所見為圖。奏疏詣閣門。不納。乃假稱密揭。發馬遞上之銀臺

司。哲宗反覆觀圖。長吁數四。命開封體放免行錢。三司察市易司農發常平倉

青苗免役權息。追呼方田保甲並罷。凡十有八事。民間譁叫相賀。越三日大雨。遠近沾洽。輔臣入賀。帝示以俠所進圖狀。且責之。皆再拜謝。安石求去。羣姦切齒。遂以俠付御史。治其擅發馬遞罪。呂惠卿鄧綰環泣帝前。於是新法如故。安石去。惠卿執政。俠上疏論之。并言禁中事。惠卿奏爲謗訕。編管汀州。惠卿又嗾御史劾之。追還對獄。議致之死。帝曰。俠所言非爲身也。忠誠可嘉。豈宜深罪。但徙英州。哲宗立。起泉州教授。元符七年。再竄英州。劇敘俠繪流民圖。頗實。其言也。李榮繪圖是緣飾。其後一派荒唐。又按哲宗朱德妃所生。以延安郡王立爲皇太子。乃王珪所請。神宗所許。未嘗有蔡京欲立岐王事。又按

鄧綰。成都人。通判寧州。王安石專政。薦于神宗。除集賢校理。鄉人皆笑且罵。綰曰。笑罵從汝。笑罵好官自我爲之。尋同知諫院。擢御史中丞。安石去位。綰附呂

惠卿。安石復相。綰攻惠卿。附安石。有旨。綰操心頗僻。賦性姦回。斥知鄧州。卒。劇中

言綰持新法。頗合。但綰卒于神宗時。劇所言後來事。皆謬。又按蔡京。仙游人。司馬光秉政。京知開封府。光

復差役法。爲限五日。同列病其太迫。京獨如約。光大喜。按光在時。蔡京未嘗與光異。其後京爲相。乃作

元祐黨人碑。列光爲首。劇中所載亦不實。

又按王老志。濮州人。用太僕卿王亶薦。召至京師。館于

蔡京第。封爲洞微先生。

按老志入京。在徽宗時。劇以酉宗時事附會。又力詆之。亦謬。

羣星會

不知何人作。演萬氏一門以積善致福。百歲壽母。四代相見。雙生二字。文武狀

元。與桂氏二女聯姻。劇中人物皆天星降生。故謂之羣星會。事太誇誕。而吉祥

可取。按天文書曰。星之爲言。精也。陽精爲日。日分爲星。故其字從日。下生庶

物蠢蠢。咸得繫命。其或化而爲人。見於記載者。則傳說騎箕尾。張良爲弧星。臯

陶蕭何昂星。樊噲狼星。東方朔歲星。李白長庚。蘇軾奎宿。以至高辛二子。堯時

老人。李淳風知西市飲酒僧。太史奏五百里內賢人聚。紛紛不一。劇中姓名雖

不實。而其說非無本。據云。直隸順天府狀元宰相萬康。累世積善。身爲元老。

母夫人單氏。壽百歲。妻盛氏。子萬吉。世其家學。殿試第一。累官吏部尙書。媳施

氏。三世皆命婦。單夫人誕日。舉朝上壽。上遣中使賜御書匾額。以旌其門。其他

賜予甚厚。海上諸仙以珍奇託跡而至者接踵於戶。康父子爲善益力。閨中皆贊成之。上感天帝命錫佳兒。施氏雙生二子。同籍桂聯芳引芳。兄弟進士。聯芳總憲。引芳冢宰。亦皆好行善。奉旨賑濟。捐銀萬兩。天帝命各錫以一女爲萬氏子配。吉招聯芳兄弟爲湯餅會。知其二女與二子同日時生。遂約婚姻。山賊龍吟鮑虎等嘯聚山谷。侵犯州縣。吉二子年長皆有神童之目。長名曰邦孚。次曰國寧。嘗夜讀稍倦。隱几而臥。邦孚夢見文昌。授以天書。國寧乃夢關壯繆。教以兵法。自是所學益進。應試成進士。吉以其年幼。請停殿試。放回讀書。不允。邦孚殿試。又擢狀元。國寧探花。又以國寧所對策深通武略。命兼武狀元。兄弟同奉命討賊。得仙人陰助。賊平凱還。賜御前金蓮炬歸第。迎桂氏女玉鸞針鳳爲婚。上命于其門建四狀元坊。工費甚大。仙人魯班至。頃刻告成。孚邦國寧合盞之夕。守門者告狀元坊上有祥光數道。得星圖一幅。上繪列宿。旁註人名。單母爲壽星。康爲祿星。吉爲福星。盛氏爲景星。施氏爲德星。邦孚爲文曲。國寧名武曲。

桂聯芳引芳爲天富天貴。玉鸞爲紅鸞星。針鳳爲織女星。是所謂羣星會也。按本朝大學士錢塘黃機壽母百歲。奉恩旨旌門。其子亦官翰林。其曰順天人。則本朝大學士高陽李蔚。其父國檣。本明啓禎時內閣。父子宰相。又大學士宛平王熙。其父崇簡。禮部尙書。父子皆極品。疑劇所指爲此數家而發。或爲黃母上壽而作。亦未可定。極陳富貴壽考吉祥可喜之事。爲頌禱辭。最宜演唱。

兩香丸

不知何人作。演顏潔與白蓉仙。白眉與王翠翹。皆以香丸拯難。作合故名。兩香丸。翠翹本名妓。爲徐海所得。劇故翻案。言其貞烈。蓉仙則鑿空撰出也。略云。明世宗時。嘉興諸生顏潔。字璧人。與温州白眉相善。眉字良士。父璧。山西司李。在任時。聘太原富人王臣女翠翹爲媳。久之。臣挈女僑居吳江。鬻眉于寓。眉與潔約。攜妻省親。必過武林。潔造西湖相晤。比潔至。杳不得眉信。有狂僧者。自稱法劍和尚。餘杭逕山第一代祖師也。示寂千年。其侍者二人。墮紅塵中。其一翠

翹其一白蓉仙。卽眉之妹。容仙與潔有緣。法劍託名善相。云潔異日大貴。當擅
文武威風。且目前卽遇美女。取一香丸與佩。并授囊封偈語四句。留爲後驗。白
眉出贅未歸。家厄于火。璧驚而殞。蓉仙被無賴子乘火掠去。賣與錢塘謝媪。逼
勒爲娼。蓉仙不肯從。賣字以給朝夕。有匡子一者。山陰徐渭之甥。挾千金欲買
蓉仙。以計拉往遊湖。潔一見目成。造蓉仙家。與訂盟約。贈之香丸。給媪云。自幼
割襟爲聘。媪欲攜女予匡。會以倭亂。潔旣失散。而媪偕女奔竄。遇潔僕捷兒。號
爲鐵炮杖者。迎而舍之於毛家埠。眉攜妻行。舟抵湖口。湖賊徐海掠得。棄眉於
岸。欲以翠翹爲壓寨夫人。翹怒詬。自投于湖。幸不死。水月庵尼僧靜慧拯入庵
中。舟子張姓得狂僧所予香丸。捨于佛前。翹取以爲佩。眉見妻投湖。欲赴山西。
白其事于岳。會潔姨丈范少司馬韓。嘉靖時無此人招潔入京。潔亦以倭亂。其家盡遭
賊。欲往投范。遇眉於宿遷逆旅。遂挈偕往京師。翠翹居庵中。匡子一以徐渭薦。
總督胡宗憲令招撫倭寇。過尼庵。窺翠翹之美。將奪之去。捷兒適至其所。告翹。

以故。挈至毛家埠。與蓉仙認姑嫂同居。子一入倭營。則徐海已爲海賊。與倭合勢。子一說降。反爲所懾。訪蓉仙之信。欲掠以送于海。捷兒知之。奉蓉翹竄山中。九天元女使力士幻作兩虎。駝兩女入徑山。授以兵機劍法。子一不得蓉。遂降于海。爲賊將。潔眉抵京。並成進士。潔以學士督師征倭。眉爲贊畫。倭將用長刀砍陣。兩人大困。走入蘇城。遂被重圍。蓉翹奉元女命。飛劍入陣。大敗倭兵。徐海投海自盡。潔擒子一殺之。以洩其憤。遂與蓉仙爲夫婦。眉亦知妻尙在。迎歸署中。相面狂僧復現身說法。指明二女爲當年侍者。而潔眉又具奏。建九天元女廟于徑山。王翹兒者。故臨淄民家女也。自少鬻於倡家。冒其姓爲馬。假母呼之曰翹兒。攜之來江南。教之吳歛。卽善吳歛。教之彈胡琵琶。卽善彈胡琵琶。翹兒貌不逾中色。而音吐激越。度曲婉轉。往往傾其座人。一時平康里中諸老妓。皆從翹兒習新聲。竟不能過之也。然翹兒有至性。雅不喜媚容。大腹賈齎多金。賂翹兒。意稍不屬。輒惛惛不開眼。或竟夕虛寢而罷。明日大腹賈恚而收金去。

以是假母日窘而數笞罵翹兒。翹兒愈益厭苦之。會有少年私金與翹兒者。遂以計脫假母而自徙居海上。更稱王翠翹云。海上多文儒貴遊。尤好以音律相買重。令翹兒一啓齒。以爲絕世無雙。爭艷惜之。以是翹兒之名滿江南。歲所得纏頭無算。乃翹兒更以施諸所善貧客。橐中一錢不留也。久之。倭人寇江南。掠海上。焚其邑。翹兒竄走桐鄉。已而轉掠桐鄉。城陷。翹兒被掠。諸酋執以見其寨主徐海。徐海者。故越人。號明山和尚者是也。海初怪其姿態不類民間婦女。訊之。知爲翹兒。試之。吳歙。及彈胡琵琶。以侍酒。絕愛幸之。尊爲夫人。斥帳中諸姬羅拜。咸呼之爲王夫人。翹兒旣已用事。凡海一切計畫。惟翹兒意指使。乃翹兒亦陽暱之。陰實幸其敗事。冀一歸國以老也。會督府遣華老人檄召海。肯來降。與之官。督府卽胡宗憲海怒而縛華老人。將斬之。翹兒諫曰。今日之勢在君降不降。何與來使也。親解華老人縛。而厚與之金。勞苦之。華老人者。海上人也。翹兒故識之。而華老人亦私覷所謂王夫人者。心知爲翹兒。不敢泄也。歸告督府曰。賊不

可圖也。第所愛幸王夫人者。臣視之有外心。當藉以磔賊耳。督府曰善。乃更遣羅中書詣海說降。而益市金珠寶玉以陰賄翹兒。翹兒日夜在帳中從容言大事。必不可成。不如降也。江南苦兵久矣。降且得官。終身當共富貴。海遂許。羅中書約降於督府。督府選日大整兵。佯稱逆降。比迫海寨。海信翹兒言。不爲提備。督府急麾兵鼓譟而進。斬海首。而生致翹兒。盡諸倭人殲焉。捷至。督府供帳轅門。以饗諸參佐。令翹兒歌而遍行酒。諸參佐皆起爲督府壽。督府酒酣心動。亦握槳降階。而與翹兒戲。夜深。席大亂。明日。督府頗悔。夜來醉中事。而以翹兒功高。不忍殺之。乃以賜所調永順酋長。翹兒既從永順酋長去。之錢塘舟中。輒悵悒不自得。嘆曰。明山遇我厚。我以國事誘殺之。殺一酋而更屬一酋。何面目生乎。夜半投江死。

事出明嘉靖間王翹兒傳載艷異編

泮宮緣

一名鴛鴦鬧。不知何人作。巫高謁泮宮歸。鄰女山衣雲見而悅之。以詩贈答。得

就婚姻。故名。姓名事蹟。俱係僞撰。

略云。巫高字臺卿。吳中云水人。按吳中縣名無所謂

云水縣令全士誠試童子。拔第一鄰家山嫗有女衣雲。婢曰芸枝。俱有美色。高入

泮歸。衣雲及婢登樓見之。目成。高積思成疾。其童書城于後園伺隙。賺芸枝入

齋中。看並頭蓮。高浼轉達芸枝。囑賦並頭蓮詩。乘間進說。勸和之。以爲終身之

訂。乃裹詩于所繡鴛鴦內。以遺高。衣雲之叔。豈仁者。嗜賭無賴。謀奪嫂產。與刁

仲謀設計。以釵股聘衣雲爲媳。豈仁逼嫂受聘。不從。高得和詩。擬託同庠生金

友蘭作伐。適仲謀至。求閱試卷。高倉卒墜詩。爲仲謀所拾。以示豈仁。因草檄討

高。首詩于縣。士誠愛高甚。密傳芸枝。詢得兩惡詐陷之故。枷責豈仁。仲謀而以

繡鴛鴦及詩付芸枝攜歸。金友蘭見檄。勸高急赴省試。留書城探訟事。山嫗以

事平。欲招高畢姻。而高已行矣。乃出詩付書城寄高。豈仁仲謀乘全令入簾。高

往應試。仍以聘禮強委山氏。欲刦衣雲。母女惶懼。不知所出。會高及友蘭並捷。

皆出土誠之門。書城以主人捷音至。嫗乃以舟送女及婢。赴金陵完婚。兩惡追

至江中。殺舟子。縛衣雲。沉芸枝于江。書城赴水。投蘆葦間。上流官船至。救入船中。乃全令也。以實懇之。遣役捕賊。縛兩惡。正法。載衣雲還其母。命書城趣兩生會試。告以江中之變。試畢。高擢探花。感士誠恩。伏闕薦舉。士誠已陞杭守。俟任滿內擢。高授浙江巡按。乃託友蘭歸報山嫗。俟復命歸娶。先是高在金陵。與友蘭遇。異僧斷厓。爲言終身休咎。且云。捷後赴外任。有憂中得喜之事。尙能相會救解。至是代巡浙江。微行作星士。爲土豪萬言所覺。延入密室。欲醉而殺之。書城如廁。忽遇芸枝。乃知其未死。爲人救至杭。萬言誘其人醉埋井中。強占爲妾。因引書城逾垣。首于官。斷厓僧亦知高有厄。躍入萬言家。與高對坐。萬言未得害。而士誠率衆排闥入。救高出。置言于法。送芸枝歸山氏。是時倭王木利蘭以妖術擾浙境。高禦之。戰敗。被圍甚急。斷厓忽至。以神通力一戰殲之。奏凱還朝。進高平章軍國事。士誠內擢。授友蘭爲翰林。斷厓爲通天真人。衣雲爲賢節夫人。芸枝爲全義夫人。高娶衣雲爲妻。納芸枝爲妾。按日本卽古倭奴國。地在

浙江東海中。世以王爲姓。有五畿七道。及屬國百餘。元世祖招之。不至。明洪武二年。出沒海島。遣萊州同知趙秩持詔諭其國王良懷。十七年。倭頻寇浙東。命信國公湯和巡視海上。築城以備之。旣而屢寇浙東。命都督楊文、劉德商、嵩巡視兩浙。復命魏國公徐輝祖、安陸侯吳傑往浙。訓練海上軍士。同楊文等防寇。永樂初。日本王源道義遣使入貢。賜冠服、文綺、金印。十七年。遼東總兵都督劉江大破倭寇于望海埭。生擒數百。斬首千餘。無一人逸者。將士請曰：「將軍臨陣作真武披髮狀。何也？」曰：「賊始魚貫而來。爲蛇陣。故披髮作此狀。以鎮服之。所以愚士卒之耳目。作士卒之銳氣。此固兵法。諸君未察耳。」劇中僧斷崖以神通破倭幻術。借此影射。嘉靖二十五年。倭寇寧台。巡按浙江御史陳九德請置大臣開軍門治兵捕討。乃以朱統爲右副都御史。巡撫浙江。尋罷。三十一年。廷議復設巡視重臣。以都御史王忬提督軍務。巡視浙江海道。改巡視爲巡撫。三十四年。倭犯乍浦海寧。陷崇德。掠塘西新市橫塘雙林烏鎮菱湖諸鎮。巡撫李天寵束手無策。總督張經

駐嘉興。破倭于王江涇。趙文華視師。以縱寇。劾經。逮經及天寵。以巡按御史胡宗憲代天寵。又以周璠代經。未幾罷。璠以楊宜爲總督。三十五年。倭衆數千自乍浦入。欲犯杭州。遊擊將軍宗禮帥兵戰于皂角林。大捷。賊稱爲神兵。嗣後倭不敢犯浙。按明代倭犯浙江及巡按御史禦倭本末如此。其王無所謂木利蘭者。蓋妄捏也。

目連

敷演目連事。不知誰作。救母緣起。具見孟蘭盆經。按唐人張祐語白居易云。公詩上窮碧落下黃泉。兩處茫茫俱不見。非目連變耶。則唐時已有演目連救母事者矣。孟蘭盆經。聞如是一時佛在舍衛國祇樹給孤獨園。大目犍連始得六通。欲度父母。報乳哺之恩。卽以道眼觀視世間。見其亡母生餓鬼中。不見飲食。皮骨連立。目連悲哀。卽以鉢盛飯。往餉其母。母得鉢飯。便以左手障鉢。右手搏食。食未入口。化成火炭。遂不得食。目連大叫。悲號涕泣。馳還白佛。具陳如此。佛言。汝母罪根深結。非汝一人力所奈何。汝雖孝順。聲動天地。天地神祇邪魔。

外道道士四天王神亦不能奈何。當須十方衆僧威神之力。乃得解脫。吾今當說救濟之法。令一切難皆離憂苦。佛告目連。十方衆僧。七月十五日。僧自恣日。當爲七世父母及現在父母厄難中者。具飯百味五菓。汲灌盆器。香油錠燭。牀敷臥具。盡世甘美。以著盆中。供養十方大德衆僧。當此之日。一切聖衆。或在山間禪定。或得四道果。或在樹下經行。或六通自在。教化聲聞緣覺。或十地菩薩。大人權現比丘。在大衆中。皆同一心受鉢和羅飯。具清淨戒。聖衆之道。其德汪洋。其有供此等自恣僧者。現世父母六親眷屬。得出三塗之苦。應得解脫衣食自然。若父母現在者。福樂百年。若七世父母生天自在。化生入天華光時。佛勅十方衆僧。皆先爲施主家咒願。願七世父母行禪定意。然後受食。初受食時。先安在佛前塔寺中。佛前衆僧咒願竟。便自受食。時目連比丘及大菩薩衆皆大歡喜。目連悲啼泣聲。釋然除滅。爾時目連母卽於是日得脫一切餓鬼之苦。目連復白佛言。弟子所生母得蒙三寶功德之力。衆僧威神之力。故若未來世一

切佛弟子亦應奉孟蘭盆。救度現在父母。乃至七世父母。爲可爾否。佛言大善快問。我正欲說。汝今復問。善男子。若有比丘比丘尼國王太子大臣宰相三公百官萬民庶人行慈孝者。皆應先爲所生現在父母。過去七世父母。于七月十五日佛歡喜日。僧自恣日。以百味飲食安孟蘭盆中。施十方自恣僧。願使現在父母壽命百年。無病無一切苦惱之患。乃至七世父母。離餓鬼苦。生人天中。福樂無極。是佛弟子修孝順者。應念念中常憶父母。乃至七世父母。年年七月十五日。當以孝慈憶所生父母。爲作孟蘭盆。施佛及僧。以報父母長養慈愛之恩。若一切佛弟子。應當奉持是法。時目連比丘四輩弟子歡喜奉行。血盆經。爾時目連尊者。昔日往到羽州追陽縣。見一血盆池。地獄闊八萬四千由旬。池中有一百二十件事。鐵梁鐵架鐵柱鐵鎖。見南閻浮提許多女人。披頭散髮。長枷杻械。在地獄中受罪。獄卒鬼王。一日三度將血勒教罪人吃。此時罪人不敢弗吃。遂被獄主將鐵棒打作叫聲。目連悲哀。問獄主。不見南閻浮提丈夫之人受

此苦報只見許多女人受其苦痛。獄主答言。不干丈夫之事。只是女人產下血露。汚觸地神。并穢衣裳。將去溪河洗浣。水流汚犯。有諸善男信女取水煎茶。供養諸聖。致令不淨。天大將軍。劄下名字。附在善惡簿中。待百年命終之後。受此苦報。目連悲哀。遂問獄主。將何報答。產生阿娘之恩。出離血盆池地獄。獄主答師言。惟有小心孝順。男女敬重三寶。更爲阿娘持血盆齋三年。零六十日。仍結血盆勝會。請僧轉誦此經一藏。滿日懺散。便有般若船載過。奈何彼岸。看見血盆池中有五朵蓮花出現。罪人歡喜。心生慚愧。便得超生佛地。諸大菩薩及目連尊者。啓告奉勸。南閻浮提善男信女。早覺修取。大辦前程。莫教失手。萬劫難逢。佛說女人血盆經。若有信心。書寫受持。令得三世母親盡得生天。受諸快樂。衣食自然。長命富貴。爾時天龍八部人。非人等。皆大歡喜。信受奉行。作禮而去。

釋氏稽古略。唐舊史云。大曆元年七月壬午。帝作孟蘭盆會於禁中。設七聖像。建巨幡。各以帝號標其上。自太廟迎入內道場。是日立仗百僚於光順門外。

迎拜導從。自是歲以爲常。經云。佛大弟子目犍連尊者。神通第一。適母氏墮餓鬼中。目連往見之。白佛救度。佛命以七月十五僧自恣日。備設齋供。供佛僧念讀諸經。母乃脫離餓鬼。

杞梁妻

不知誰作。演杞梁妻哭倒長城事。考左傳。杞梁卽杞殖。未嘗有長城事。其源起於樂府。眞實未可知。而世傳孟姜女事。婦孺皆習熟以爲故實。作者本之。金壘子云。何燕泉謂杞植字梁。春秋齊人。距趙及秦築長城時。不啻數百年。而列士傳及樂府注所謂城頽。乃杞都城。非長城也。秦趙所築。去杞不啻千數里。唐僧貫休賦杞梁妻云。秦之無道兮。四海枯。築長城兮。遮北胡。築人築土一萬里。杞梁貞婦啼烏鳥。二事打合成調。不知何据。予按貫休賦杞梁妻事。正無据。而誤亦有因。秦築長城以拒胡。齊亦嘗築長城以備楚。括地志云。齊長城西北起濟州平陰縣。緣河。歷太山北岡。上經濟州淄州。卽西南兗州博城縣北。東至密州。

瑯琊臺入海。而齊記以爲齊宣王築。竹書紀年曰齊閔王。不知的自何時。但既曰備楚。則楚之抗衡中國。宜莫甚於春秋。蓋春秋齊既有之。其杞梁妻哭而頽者。卽齊之長城。湏洞相傳。世遂以爲秦之長城。而詩家不考所出。併未審梁何時何人。死於何事。便以爲死於秦築長城之役。今遼東前屯衛中所芝蔴灣有石人立海澨。若世所謂望夫石者。而世又相傳以爲杞梁妻孟姜者。哭夫死。因葬於此。則影響附會。而形音逾失其眞者也。

長城記

杞梁妻事。本之樂府。有弋陽腔。專演杞梁妻哭倒長城者。其事蹟已詳杞梁妻劇中。此記又多增飾。按孟子華周杞梁之妻。善哭其夫。卽左傳所載杞殖之妻也。杞殖蓋齊大夫。其長城必在齊地。今山東長清縣。尙有長城故蹟。所謂杞婦摧城。當是指此。殖妻乃齊女。故相傳以爲姜氏也。樂府杞梁妻。則指後世築長城事。今遼東有孟姜女廟。疑本於此。此劇以爲築長城臨洮。則更與遼東相去。

懸絕矣。劇中又云。與趙惠王墓相近。則又應在直隸山西邊地。不宜指爲臨洮。蓋作者不明地理。但知長城萬里起臨洮。屬之遼東。皆可通稱。而不知地界。睽隔不宜妄牽引也。孟子云杞梁。左傳云杞殖。今云范殖。字杞梁。杞州人氏。其妻姓許。字孟姜。蓋本之稗史雜記。不免傳譌。然皆有因。非同烏有。蒙恬築長城。出於正史。盧生入海得玉函。函中有詩。蓋影射祖龍瀆池君及二世亡秦之說。秦皇令趙嬰訪和氏連城之璧。杞梁入趙惠王墓。得之以獻。此類隋開河記中入宋襄公墓事。趙嬰無其人。秦有子嬰。秦趙同姓。蓋因此附會也。蒙恬以杞梁禱神。掘三丈坎埋之。又因孟姜女摧城。懸之百尺長竿。令人射殺。皆空中樓閣。故作極危險事。以表其夫婦團聚之難。孟姜萬里尋夫。俗傳甚著。衝雪遇虎。備極形容。杞梁弟善送嫂還母家。至中途。嫂自去。後嫂家不見女回。而中途有殺死婦人。嫂家因訟叔姦嫂不遂。將嫂殺死。叔坐重辟。後遇廉明官審出。其嫂蓋被人誑去。而殺他婦人。以淆耳目者。此事本龍圖公案。杞梁兄弟當輪一人役。其

母曹氏決令長者云。少者妾所生。長者已所生。甯役已子。此事本元人雜劇。趙嬰欲得和璧。許獻璧者。以女珠兒妻之。杞梁獻璧。嬰欲妻以女。杞梁以己有妻。遂令弟善爲嬰壻。亦是點綴好看。不必有着落也。

訪友記

不知何人作。記梁山伯訪祝英臺事。相傳最久。故詞名有祝英臺。近而南中人指蝴蝶雙飛者爲梁山伯祝英臺。亦因此也。英臺或云上虞人。或云宜興人。寧波府志云。義婦塚在寧波府西十六里。晉梁處仁及祝氏英臺合葬處也。處仁字山伯。家會稽。少游學。道逢祝氏子。同往肄業者三年。祝先返。後二年。山伯方歸。訪之上虞。始知祝乃女子也。名曰英臺。踵門引見。詩酒而別。山伯退慕其清白。告父母求姻。時祝已許鄞城馬氏。弗遂。山伯後爲鄞令。嬰疾不起。遺命葬於鄞城西清道原。明年。祝適馬氏。舟經墓所。風濤不能前。英臺聞有山伯墓。臨塚哀慟。地裂而埋璧焉。從者驚引其裾。片片飛去。馬氏遂言於官。欲發塚。有巨

蛇守護不果。事聞於朝。丞相謝安奏封義婦塚。安帝時。孫恩寇鄞。太尉劉裕夢山伯效力卻賊。奏封義忠王。立廟祀之。地圖綜要云。國山善卷洞。有祝英臺故宅。常州府志云。祝陵在宜興善權山。其崖有巨石。刻云祝英臺讀書處。號碧鮮庵。俗傳英臺本女子。幼與梁山伯共學。後化爲蝶。

臥冰記

不知何人所作。按王祥臥冰等事。俱載晉書第十三齣。祥母命祥往海州鬻絹。爲盜所擄。而覽挺身求代。此係撮撰。又祥應呂虔之辟。其母已卒。劇中所演亦不合。王祥傳云。祥字休徵。琅琊臨沂人。祥性至孝。早喪親。繼母朱氏。不慈。數譖之。由是失愛於父。每使掃除牛下。祥愈恭謹。父母有疾。衣不解帶。湯藥必親嘗。母常欲生魚。時天寒冰凍。祥解衣。將剖冰求之。冰忽自解。雙鯉躍出。持之而歸。又思黃雀炙。有黃雀數十。飛入其幙。復以供母。鄉里驚嘆。以爲孝感所致焉。有丹柰結實。母命守之。每風雨。祥輒抱樹而泣。其篤孝純至如此。漢末遭亂。扶

母攜弟覽避地廬江。隱居三十年。不應州郡之命。母終。居喪毀瘁。杖而後起。徐州刺史呂虔檄爲別駕。祥年垂耳順。固辭不受。覽勸之。爲具車牛。祥乃應召。王覽傳云。覽母朱。遇祥無道。覽年數歲。見祥被楚撻。輒涕泣抱持。至於成童。每諫其母。其母少止凶虐。朱屢以非理使祥。覽輒與祥俱。又虐使祥妻。覽妻亦趨而共之。朱患之。乃止。祥喪父之後。漸有時譽。朱深疾之。密使酖祥。覽知之。徑起取酒。祥疑其有毒。爭而不與。朱遽奪反之。自後朱賜祥饌。覽輒先嘗。朱懼覽致斃。遂止。

萬里圓

近時人所著。演黃向堅萬里尋親事也。蘇州府志云。黃孔昭字含美。吳縣人。崇禎癸酉舉人。壬午選雲南大姚令。曾斷一疑獄。稱神明。令七年。民咸德之。桂王擢御史。謝去。隱居白鹽井。教授。子向堅冒險入滇。以迎孔昭。不欲歸。諸門人醵金爲贖。曰。先生不歸。孝子萬里之名爲無名矣。孔昭乃歸。經年抵吳。隱西郊。

者三十年。又黃向堅傳云。向堅字端木。孔昭官姚江。道梗不歸。向堅晝夜涕泣。徒步往滇中。始順治辛卯十二月。訖癸巳六月。自吳入滇。懸崖絕壑。豺虎獠獍。之區。無所不歷。繭足鰲面。蒲伏至白鹽井。得遇二親。與其從弟向嚴。肩負藍輿而行。歸抵里門。孺慕承歡。凡二十六年。而母歿。父登九十。無疾終。向堅負土營葬。不再暮。得關膈疾。以身殉。稱完孝云。中間有所謂道前黃者。係巡撫傳宣。本與此無與。出金賄作劇者。填入其中云。又所指秦鹿云。以影馬士英也。道前黃者。

名敬瞻。順治年間武進士。向堅族也。

向堅有子孫。現居閭門外。無登仕籍者。其所刻有旌孝編。

卽載向堅尋親事蹟。士大夫所作詩詞。諸體咸備。哀然成帙。

節孝記

所記黃孝子事。見於一統志。正德郡志及南城縣志。諸書然志所載甚略。而此記頗詳。或其同鄉之人。細核事蹟而爲之。未可知也。南城人黃普。字文博。宋末爲統制。妻陳氏。子覺。覺經方五歲。普與同里曾友之聯姻。元兵至江西。普

偕胡楚材倡集義兵。保護城池。爲元將萬戶木華黎所殺。華黎又掠得陳氏。欲納爲妾。陳氏守節抗罵。華黎將殺之。其母太宜人救免。令給事左右。常保持不使受汙。覺經失父母。其僕陳容夫婦撫養成人。及長。辭別老僕。遍遊四方。尋親所歷之地。豫冀關隴。巴蜀滇池。大理金齒龍番。九寨五羊。七閩八桂。兩浙長淮。清通大都。輦下。復過臨濠。集慶冀州。又至湖廣。備閱艱苦。至鸚鵡洲。遇老客姜半仙。以夢中所記西江月詞。乞爲詳解。得汝州春店四字。覺經依其言。尋至汝州。果遇其母。適有朝旨。俘獲人口。悉放還鄉。令親人認取。覺經遂奉母歸。其所聘曾女慶貞。父逼改嫁不從。守節數十年。竟爲夫婦。据此則普夫婦及曾氏。皆當大書特書。今郡邑志止及覺經。忠義傳中有楚材。無普。列女傳中亦無陳氏。曾氏。疑多粉飾。成關目也。胡楚材志作吳楚材。應從志。南城縣志。吳楚材名炎。以字行。贈朝奉郎。德祐元年。建昌降。明年春。楚材還其鄉。嶺糾集民兵。旣失利。且乏援。元兵誘降。其衆多解去。楚材走光澤。爲人所執。及其子應登。以獻郡。

遣錄事婁南良訊之曰。汝何錯舉。楚材抗聲曰。不錯不錯。如府錄所爲。乃大錯耳。府錄受宋官爵。今乃爲敵用事。還思身上綠袍。自何而得。吾一鄙儒。特爲忠義所激。爲國出力。事雖不成。正不錯也。南良愧而語塞。及吳浚爲江西制置招討使。斬楚材父子。傳首諸邑。益王立於福州。聞而哀之。贈官朝奉郎。卽邵武境上立廟。賜名忠勇。宋史本傳及正德郡志皆同。一統志黃覺經字一眞。五歲因亂失母。稍長。誓天誦佛書。願求母所在。乃渡江涉淮。行乞而往。衝風冒雨。備歷艱苦。凡三十八年。至汝州梁縣。得之。至治中旌表門閭。按此劇與萬里圓俱謂之黃孝子。世俗相傳。遂以此爲江西黃孝子。萬里圓爲蘇州黃孝子。以示分別云。按詳夢一折。最爲動人。然志中初不載。恐未的確。明天順成化間。有文安縣孝子王原。尋親至登州。得一夢。寺僧爲詳解。後如其言。遇父於河南之蘇門山。恐作者傳聞合兩事爲一事也。

蓮花筏

不知誰作。其事皆鑿空造出。略言揚州姚秉仁。世爲船戶。其弟秉義。從軍十餘年。不相聞。有子曰良。有女曰關關。皆性喜讀書。山東巡撫齊國用。亦揚州人也。接夫人周氏及女玉符。往任所。雇秉仁之船。玉符一見關關。喜甚。晨夕不相離。每聞其兄誦書吟詩。且見其風貌。心頗悅之。嘗令作藥名詩一首。日夕諷誦。舟至濟南。國用赴京會議。不便入宅。遂令夫人及女暫留舟中。玉符益與關關莫逆。且注意于良。而秉仁微聞作詩事。懼兒女年少不謹。乃以良兄妹寄其妻母白糧船上。先後入京。是時安南兵方熾。都御史商瞿檄各省巡撫會議戰與和孰利。廣東巡撫李諫名窺宰相意。主和。國用面折之。且有叱辱語。諫名大怒。讒于時相方鼎。又與畫策。令人守國用。不能回山左。而假作國用書。言以梗議入獄。令女玉符和番以贖己罪。玉符聞信。卽隨官校行。迨晚。官校以逆旅嘈雜。覓舟暫寄玉符。而其舟卽秉仁妻母之糧艘也。關關與相見。具悉和番情事。乃令兄良挈玉符以竄。而代玉符和番。方玉符隨官校行。夫人卽入京探國用。比相

見知國用止罷官。未嘗入獄。而和番乃僞書也。國用揣諫名爲之。恨入骨。欲赴
廣手刃諫名。夫人見國用恨而去。亦子身入廣訪國用。而秉仁之妻母。以失二
甥告。秉仁徬徨莫爲計。適遇齊夫人。因隨之入廣。良與玉符偕行。覓得其故舟。
玉符乃令良往邊關訪妹。而處舟中以待之。總河張憲扶者。忠義士也。疏請勤
王。朝廷卽擢爲元帥。聞和番之計。怒甚。使部將姚秉義等。棄金帛輜重於關。以
誘敵。敵至。四面夾攻。且令秉義殺和番女子。諸將用其計。果大困敵。而秉義詢
和番女子。則巡撫國用之女。爲父贖罪者。念其父忠女孝。以告憲扶。舍不殺。而
養于家。及細詢之。乃其姪女也。安南兵已大困。則行金方鼎。用令箭。俾憲扶開
前營。縱敵兵出。憲扶遂掛冠去。而薦秉義于兩廣總督。用爲游擊將軍。國用之
欲刺諫名也。寓廣州香露寺中。寺僧慧照入定。見國用持刀往。則惡神隨之。忽
棄刀還。則吉神隨之。詰其故。國用言初欲殺諫名。旣而念其母老。因棄刀池中。
慧照卽勸國用毋動。國用遂道裝。從慧照書疏。自隱其姓名。姚良至邊關。聞關

關被殺。大慟而去。姑入京應試。遂登第。選廣東南海令。挈玉符赴廣。中元之日。設醮于香露寺。追薦亡妹。關關齊夫人至廣。不知國用在何所。而聞和番女子被殺。亦以是日附齋薦女。命秉仁隨行。醮壇廣設。士女喧闐。秉義率兵校入寺彈壓。于是國用夫婦及女。秉仁兄弟及子。皆不期而遇。乃知關關亦生還無恙也。并接至寺中。相見團聚焉。全本結局在香露寺。故名曰蓮花筏云。

千祥記

不知誰作。大略云。洛陽賈鳳鳴者。曾爲梁州太守。辭官隱居中。郎將袁盎薦爲長沙知府。年近八十。娶妾施玉娥。歡會于千祥軒內。生子名誼。長沙士大夫因設酒於千祥軒致賀。有太僕卿柳國忠者。戲語云。笑殺長沙百萬家。鳳鳴因續成一詩云。八十年來養一娃。笑殺長沙百萬家。若是老夫親骨肉。後來依舊管長沙。其後誼爲梁王太傅。兼理長沙府事。迎養父母于郡署。鳳鳴年已百歲。復邀長沙士大夫。謙賞柳國忠仍在坐中。鳳鳴語舊事。共相歡笑。疑此記乃爲耆

年生子者解嘲。而嫁名于賈誼之父也。明武宗時。福建同安人林瀚爲南京兵部尙書。參贊軍務。年逾七十生子。取名庭機。至萬曆初。庭機亦官南京兵部尙書。與命名之意適相符合。事頗有類於此。按賈誼傳。未嘗載其父名。亦無爲二千石之說。且誼爲梁王太傅。又嘗爲長沙王太傅。長沙在今湖廣。梁在今河南。相去一二千里。不容紐合。記云以梁太傅兼理長沙府事。又敍梁王自白云。長沙梁王。是以梁爲國名。而其封乃在長沙。非特與漢史背馳。于地理亦太疏謬矣。梁王左妃失寵。求誼作賦以獻。復得寵幸。是借用司馬相如爲陳皇后作長門賦事。至于施玉娥。展靈旗等。皆係空中樓閣。唯言河南太守吳公拜爲廷尉。特薦誼才。與本傳相合。

紫金魚

未知誰作。中引定興王木清泰。唐時本無其人。乃屠隆曇花記中造出名字。屠隆。萬曆間人。作此者。當更在其後也。李郭爲婚。蓋意揣當然。而非事實。元宵看

燈。郭女失去。魚朝恩抱入宮中。張良娣育爲公主。則借用宋時王案事也。略

言李光弼與郭子儀指腹爲婚。李以上賜紫金魚。郭以上賜玉帶。贈爲聘答之物。李生子名天馨。郭生女元宵。看燈失去。天馨年長登第。朝廷選爲駙馬。獅蠻作亂。征勦立功。造承恩坊。郭子儀魚朝恩陪宴。子儀席間感嘆失女。朝恩言抱女入宮本末。始知公主卽郭女云。岳珂程史。宋神宗朝。王襄敏公韶在京師。會元夕張燈。家人皆步出。將帷觀焉。幼子案行第十三。方能言。珠帽錄服。憑肩以從。至宣德門上方御樓。簫鼓雷動。士女仰觀。喧擁闐咽。轉盼已失所在。騶御皆恇懼。不知所爲。家人不復至。帷所。狼狽歸。未敢白。請捕。襄敏訝其反之。亟問知其爲失。南陔南陔。案自號也。公曰。他人當遂訪。若吾十三子。必能自歸。家人咸叵測。居旬日。內出犢車。至襄敏第。有中大人下宣旨。抱南陔出車中。家人驚喜迎拜。天語既定。問南陔以所之。乃知是日。姦人利其服裝。自第中已竊跡其後。旣負而趨。南陔覺負己者之異。亟納珠帽於懷。適內家車數乘將入東華。南

陔過之。攀轡呼焉。中大人悅其娟秀。抱置之膝。翌早擁之上閣。以爲宜男之祥。上問以誰氏子。竦然對曰。兒乃王韶之幼子也。具道所以上以其占對不凡。令暫留欽聖鞠視。密詔開封捕賊。盡戮之。乃命載以歸。且以具獄示襄敏。賜壓驚金犀錢果直鉅萬。

雙璧記

未知撰人。記宋朝焦狀元事。粗得影響。而附會成之。略云。有焦文玉者。嘗捐館金以脫人之死。且其妻爲娶妾。而文玉未嘗與同衾。迨妻孿生二子。文玉始與妾生一子。妻之長子韜。中文狀元。次子略。中武狀元。妾之子熄。中武探花。以見文玉長厚。雙生連璧。乃談因果勸善之意也。情節俱係生造。惟焦狀元是實事。但焦名蹈。非韜。誤其音耳。文獻通考。神宗元豐八年。進士四百八十五人。省元焦蹈。狀元同。事文類聚。元豐八年。尙書戶部侍郎權知貢舉。開寶寺寓禮部貢院。夜四鼓火。翟曼陳之方馬希孟皆焚死。其後別試焦蹈爲魁。諺云。不

因南省火。安得狀元焦。陳絳金罍子云。宋元豐間開寶寺寓禮部貢院火。其後別試。乃更得焦蹈爲魁。故時有不緣南省火。焉得狀元焦之句。天順癸未。禮闈亦災。時御史焦顯爲監試官。好事者亦爲之詩云。先兆或從焦御史。未然奎燄可爲災。兩事偶相似也。記中火焚貢院。復開科試。正其事也。明萬曆十七年己丑科狀元焦竑。字弱侯。江寧老名士。素有文名。作者或是此時人。因焦狀元而記及焦蹈。考核不眞。遂曰焦韜也。

百壽圖

一名柏壽圖。不知何人所作。所演趙璋女月香。本之今古奇觀兩縣令競義婚孤女事。而改前令石璧爲趙璋。又改後令鍾離義爲寇準。然據厚德錄。則鍾離君本失其名。義字乃小說添出。其前令及前令之女。亦失書其姓。石璧與月香。亦小說所添出也。劇以百壽圖標名。謂貴戚曹大本家之畫圖。被盜失去。而買昌有祖傳柏壽圖。幾至李代桃僵。趙璋辯其誣而出之。因獲罪于權貴。以得重

禍此非傳奇中要緊關目。似不如取競婚之意爲名也。宋李元綱厚德錄江

南有國日有縣令鍾離君與鄰縣令許君結婚。小說云南唐李氏時江州德化縣其令名鍾離義視錄較詳然

未知的否又言鄰縣德安高尹與錄所稱許君互異錄失之簡小說好鑿鑿言之又未必皆實也鍾離女將出適買一婢以從

嫁一日其婢執箕帚治地至堂前熟視地之窻處惻然淚下鍾離君適見怪問

之婢泣曰幼時我父於此穴地爲毬窩道我戲劇歲久矣而窻處未改。添出以水浮毬

乃借用文彥博事。劇又据以傳奇耳。鍾離君驚曰而父何人婢曰我父乃兩政前縣令也身死家

破我遂落尼間更賣爲婢。小說添出石月香姓字又添綴身死家破之故言石壁本撫州臨川人入籍建康喪妻無子月香八歲時

獄毬入穴其父問何法可出月香使婢提水傾入穴中毬即浮出後壁因燒損官糧千石削職賠償抑鬱而死女使牙婆官賣縣民賈昌曾以命案繫獄石令

雪冤出之深感令恩即用價買月香并其婢屬其妻盡力供養奉之如主其後賈昌經商于外每得佳美絢絹先奉月香其妻心憤遂令日作女工并諸雜役

又恐昌回詬怒竟屢張媒賣于鍾令爲婢又賣其婢爲民妻昌後歸家與妻大閔訪知嫁與高令之子乃贖婢夫婦以贈之其情節甚詳未審的否鍾離

君遽呼牙儈問之復咨於老吏具得其實是時許令子納采有日鍾離君遽以

書抵許氏而止其子且曰吾買得前令之女吾特憐而悲之義不可久辱當掇

吾女之奩篋。先求婚以嫁前令之女也。更俟一年。別爲吾女營辦嫁資。以歸君

子。可乎。許答書曰。蘧伯玉恥獨爲君子。君何自專仁義。願以前令之女配吾子。

然後君別求良配。以嫁君女。於是前令之女卒歸許氏。此等事。前輩之所常行。

今則不可得而見矣。小說云。鍾令以書致高令。求寬嫁娶之期。高令答書。願娶

有二子。長曰登。卽鍾壻。次曰升。未聘。高令卽請于鍾。娶石氏爲婦。二子同日成婚。鍾以一副奩資。剖爲兩分云。按此似補厚德錄之未及。然恐天下未必有此恰好事也。

又按宋史陳規傳。規嘗爲女求從婢。得一婦。甚閑雅。怪而詢之。乃雲夢張貢

士女也。亂離夫死。無所託。鬻身求活。規卽輟女奩嫁之。聞者感泣。事亦相類。

又按搜神記。趙明甫令蒲。爲女覓一女僕。忽掃庭而流涕。問其何故。女僕曰。某

父嘗爲此邑令。遭亂離。被人掠賣。以至於斯。令乃輟女奩具。先嫁之。此事更絕

嫁前令女。今劇則記趙令爲前令也。據劇云。江左趙璋。字瑤京。由貢士爲江州德化縣尹。妻曾

氏。已故。遺女月香。蹴鞠滾八穴中。用水浮之而出。按文彥博幼時。與羣兒嬉。毬

馬光擊甕破水。以救小兒。皆稱幼慧。且具宰相經濟也。劇事相合。國戚曹大本。按劇所指。蓋掇拾龍圖公案等

宗曹后。其家極醇謹。無害民事。且既係仁宗時。則不應復言寇準為令矣。失去百壽圖一軸。令所在張檄緝捕。又遍

放私債。令州縣官催討。商民賈昌有祖傳柏壽圖。王維所畫。妻弟谷六癡。中以南

鴟鵂為谷六癡。劇惡其人。為標此名也。怒昌不恤。遂首昌盜畫。璋呼詰不符。縱昌不問。此關目與小說異。

又醫人華直等。以徵債事。具呈于縣。璋遍召負曹債者。取曹券當堂燬之。又捶

曹所遣役。役乃搆禍。罷璋官。且追璋抵償債銀五千兩。璋忿。欲服藥自盡。華直

以藥與之。服立死。後負而遠遁。用藥解之。復生。乃相與僑居太原。賈昌見璋亡

監司。押賣其女。乃出三百金買歸。屬妻谷氏好待。劇云。月香。願認為女。賈昌不

說相合。劇云。谷六癡。嗾其姊磨折月香。後又設計鬻之。此則小說之所無也。昌後賈販于外。谷氏聽弟謀。鬻月香于

令。其令乃寇準也。說白云。準為崖州司戶。轉汀州判官。暫知德化縣事。按準為崖州司戶。乃由宰相貶官。劇但見司戶之小。謂從此遷令。可

笑。劇又云。準妻楊氏。有女蕊芳。許上高令狄誼之子。清此乃由小說兩令為親家。套出並非實事。其女字上高令狄誼子。將嫁

而買婢。及得月香。詢知前令之子。作書與誼。以璋女嫁其姪原。賈昌商歸。其妻

誑以月香已死。昌詰而得其情。忿怒遠出。改名甄義。抵太原。與璋及華直遇。三

人共居。六癡誑姊覓夫。挈至太原。時直勸義納繼室。六癡不知。卽昌乃與媒計。以姊嫁之。誘姊云。已覓得昌所在。輿入其寓。已卽挾貲以竄。谷氏入則見昌方娶婦。昌又以爲婦轉嫁也。反目大鬪。直等爲和解之。狄原赴舉擢第。以璋故力攻大本。言其私交趙元昊。黜退。原復爲璋辨雪。復其官。父女翁壻乃獲相聚。按此劇本有實事。粧點多虛。轉不可信。似不如卽本事略加增飾爲妙。

瓊林宴

不知誰作其事蹟似龍圖公案。而公案無此事。蓋皆附會成編也。言延安范仲虞。字舜臣。妻陸玉貞。子錦。汴京開科。仲虞賣驢作費。全家赴汴。訪婦弟陸榮。榮母吳氏。其夫故將軍也。榮習武而貧。幼與太尉葛登雲聯姻。登雲知陸貧甚。悔會生日。榮到門。欲入爲壽。登雲大怒。誣爲盜黨。寘之獄。初仲虞行至中途。忽遇虎銜錦去。榮方樵。見虎銜人。打虎救錦還。始知爲甥也。留家中侍母。未幾爲登雲誣陷。而錦仍侍吳氏。登雲出獵。遇虎銜錦去。仲虞適他往。唯玉貞在。登雲見

玉貞美強歸家。欲逼爲妾。玉貞不從。乃羈葛府中。仲虞求妻不遇。入汴應試。畢。聞妻在葛府。乃造登雲往索。登雲抵言無有。以好待之。而夜遣人打殺仲虞。用大箱盛之。投諸曠野。途遇報錄者。叫喚狀元范仲虞。乃棄之而去。仲虞幸不死。從箱中出。風狂不省人事。獨念妻冤抑。數闖開封府。屢斥不去。登雲之殺仲虞也。其婢知之。以告玉貞。玉貞慟哭。登雲妻及女豔珠聞而憫其冤。啓後門縱之去。爲登雲所覺。遣人追及。勒殺于路旁。土地知其冤。化爲老人。訴于開封府。吳氏嘗遣僕可福擔本覓利。有穆倫者。取其財而殺之。穆倫買仲虞之驢。其子騎入開封。驢見登雲。殺玉貞。瘞路旁。竟三突開封府。榮母吳氏知榮之爲登雲。誣陷也。亦率范錦訴冤于開封。開封尹卽包龍圖拯也。念驢叩府。必當有奇冤。遣吏跟尋。至土地祠旁。向地數嗅。掘得婦人屍。又縱驢行。直至穆倫家。禽倫赴鞫。倫供殺陸僕可福。拯詢吳氏。語相符。遂殺倫。償可福命。而婦人死案未白也。拯受老人訴。遣吏隨老人至土地祠。不復見。拯念老人卽土地也。命擡土地赴

審土地言婦人枉死狀。拯用還魂枕。令婦人復生。玉貞乃詳述登雲逼殺始末。拯令吳氏及錦與玉貞相見。而仲虞狂疾亦瘳。拯令背所試文。皆記憶。乃具奏。仍以仲虞爲狀元。錦亦賜甲第。登雲被戮。豔珠仍歸陸榮。時因狀元失去瓊林宴。未舉。久之得仲虞。乃舉宴。故標名曰瓊林宴云。

曲海總目提要卷三十六

江都黃文暘原本

武進董 康校訂

珍珠記

一名珍珠米欄記。不知何人所作。記稱洛陽高文舉負欠官銀。不能償。有王百萬年暮無子。慨捨家財于十字街頭救濟貧困。適遇文舉。奇其狀貌。邀之至家。以女金真妻之。後文舉上京應試。得中狀元。適奸相溫閣者。有次女未字。竟逼贅文舉爲壻。文舉念王氏恩重。暗遣張千持書迎之。張千攜書爲溫氏所見。拆改語意。致張千至洛。爲王百萬合家痛毆。王金真以夫婦臨別時盟誓真切。料文舉必不負心。親至京訪之。值文舉召入內院。數月未回。張千啣前忿。搆王金真于溫氏前。溫氏遂將金真剪髮剝鞋。執澆花掃地之役。賴老奴左右之。幸得不死。後文舉自內院歸。獨臥書室。偶思食米欄。老奴進之。文舉訝其味似金真所

造。又於米糲中得珍珠半顆。認係臨別時與金真各分一半之物。遂根問老奴。老奴含胡以應。至晚。密令金真代至書室掃地。始得與文舉相會。文舉以力不能救。導之踰牆而出。赴包龍圖告理。翌日。包拯審明具奏。詔謫溫閣。斬張千。許令王金真亦將溫氏剪髮剝鞋。執澆花掃地之役。王金真遂將溫氏鎖繫轎前。直至洛陽。賴王百萬夫婦苦勸。金真與結爲姊妹。共事文舉終身焉。按記內情事荒唐。大略本於世俗所謂龍圖公案。而賓白村鄙。乃弋陽曲之最下者。

斷烏盆

小說有龍圖公案者。凡世俗相傳沒頭腦對證之事。問官審究得實。或辨明冤枉。或誅戮奸兇。大抵假託于鬼神夢卜者居多。而一切歸之于包拯。於是包龍圖日斷陽夜斷陰之說。其事有載于他書者。有傳於案牘者。亦有憑空杜撰。全無根據者。行世已久。傳奇家往往採摭以作劇。烏盆子亦其一也。略言拯守定州時。揚州富人李浩。至定州買賣。嘗醉臥城外。有丁千丁萬者。奪浩囊金而

殺之火焚其尸。搗骨雜泥土。燒作瓦盆。賣與王老。一日王老小遺。盆子叫屈。細述被殺緣由。王老遂攜盆出首。拯呼瓦盆問之。寂然無聲。怒責王老。王老歸。甚怨恨。而瓦盆復叫冤。言借一衣掩蓋。便可見天日。王老復攜盆謁拯。拯問瓦盆歷訴冤情。拘千萬兩人勘問。不承。又拘兩人妻究問。供所奪浩金。見埋牆內。兩人乃服罪。今劇中云符召其家鍾馗等。問明此事。則又加增飾。以爲龍圖斷陰之證據也。按元人有盆兒鬼劇。與此大同小異。鍾馗證明事。元人所無。

劍丹記

一名八黑。落場詩云。劍丹奇傳演分明。換羽移宮律調新。天瑞謝生因興趣。撰成留寄與知音。按謝天瑞不知何許人。劇中生爲劉榮。弟劉貴。女爲包文拯女。生與弟同應文拯之招。道中被妖狐所攝。弟訴於文拯。文拯作牒文一道。焚奏天庭。上帝命八英收服妖狐。八英者。項羽。張飛。周倉。尉遲恭。鍾馗。趙元壇。鄭恩。焦贊也。八人世俗盛傳爲黑面。故劇卽以此命名。二劉皆爲文拯婿。值儂智高

反狄青爲所敗。文拯薦二劉統兵援之。協計破賊。其二子亦俱登第。中間又設爲文拯女夢天賜玉如意玉拂塵。以合二劉婚姻。又設爲全真贈劍丹事。故又名劍丹記。前後事實俱屬子虛。不過撮撰以作關目。詞曲亦俚俗無足觀。

題塔記

梁灝事流傳已久。演傳奇者亦不一而足。或曰題塔。或曰青袍。或曰折桂。或曰不伏老。關目波瀾。互相同異。總以晚年登第。父子狀元。未遇之士。借以自慰。且風勵天下讀書應舉。毋半途遂廢。此作者意也。唐時新進士讌集曲江。必題名雁塔。故曰題塔記。王禹偁賈同皆文學知名。串入相映帶。灝依禹偁爲學。近于弟子。劇以爲兒女姻家。亦是傳會。且禹偁太平興國中登第。年不甚長。灝其後輩。至雍熙成名。恐無天福應舉之說。梁狀元劇後有辨折語。按宋史梁灝傳。灝字太素。鄆州須城人。王禹偁始舉鄉貢。灝依以爲學。大加器賞。初舉進士不中第。留闕下。獻疏極言設科之選。所取不出於詩賦策論。丘園之下。豈無宏才茂德之士。

哉。疏上不報。雍熙二年復舉進士廷試。日太宗詔升殿詢其門第。賜甲科。眞宗初詔羣臣言事。灝時使陝西。途中作聽政箴以獻。後又使河北還。以爲翰林學士。灝美風姿。強力少疾。閨門雍睦。與人交久而無改。士大夫多之。卒年九十二。子固。字仲堅。初以遺蔭賜進士出身。服闋。詣登聞院。讓前命。願赴鄉舉。許之。大中祥符元年。舉服勤詞學科。擢甲第。此灝父子俱登首甲。載在史傳之可考者。至他書所錄。其及第謝啓則云。皓首窮經。少伏生之八歲。青雲得路。多太公之二年。其謝恩詩則云。天福三年來應舉。雍熙二載始成名。饒他白髮巾中滿。且喜青雲足下生。觀榜更無朋輩在。到家惟有子孫迎。也知年少登科好。爭奈龍頭屬老成。雅俗相傳。用爲佳話。蓋自後晉天福二年。歷後漢後周而至宋雍熙二年。前後共四十八年矣。明人不伏老雜劇。已極摹畫其老而益堅之志。其同時應舉。則有賈同。同先得官。而灝不就。本中情節。與此相符。至如王禹偁以私議孝章皇后禮儀。遂坐謫。罷知滁州。亦載本傳。唯流落延廊一節。似從灝下

第羞歸生出。扈蹕北征一節。似從灝奉使陝西生出。隨手撮撰。不盡合於正史云。

破窰記

元王實甫關漢卿皆有呂蒙正風雪破窰記。馬致遠又有呂蒙正風雪齋後鐘。今所行破窰記。未知誰本。考水東日記。所載相府退衙一段。今本無有。則此記非元時本。或是明時人刪改。或是另作。未可定也。因劇中有綵樓選婿一事。又謂之綵樓記。云飯後鐘本王播事。今借用。宋宰相無劉懋。蒙正母乃劉氏也。

文獻通攷。太宗太平興國二年。進士一百九人。狀元呂蒙正。堯山堂外紀。呂蒙正父龜圖。好內寵。蒙正與母劉氏俱被出。因淪躓窘乏。或謂其嘗處破窰中。自嘆有撥盡寒爐一夜灰之句。他日相府退衙。片雪沾衣。欲斬執役人。其妻因舉撥灰詩諷之。又嘗有鴟吻詩曰。獸頭原是一團泥。做盡辛苦人不知。如今擡在青雲裏。卻忘當年窰內時。歸田錄。呂文穆公未第時。薄遊一縣。時胡太監

且隨其父宰是邑。待呂甚薄。客有喻胡曰。呂公能詩。宜少加禮。胡問警句。客舉曰。挑盡寒燈不成夢。胡笑曰。乃一渴睡漢耳。呂甚恨而去。明年首中甲科。寄聲於胡曰。渴睡漢狀元及第矣。胡曰。待我明年第二人及第。輸君一籌。既而次榜亦中首選。文穆公蒙正也。按蒙正詩。十謁朱門九不開。滿頭霜雪卻歸來。還家羞對妻兒面。撥盡寒爐一夜灰。與挑燈寒夜句。大略相似。恐因此傳會也。一

統志。饅瓜亭在河南府城南。下臨伊水。宋呂蒙正微時過此。見賣瓜者。無錢可買。其人偶遺一枚於地。蒙正取食之。後作相。建亭於此。以饅瓜名。示不忘貧賤也。幕府燕閒錄。呂蒙正方應舉。僦舍建隆觀。沿汴入洛。鑊室而去。自冬涉春

方回。啟戶視之。牀前槐枝叢生。高二三尺。蒙茸合抱。是年登科。十年作相。葉

盛水東日記。今書坊相傳射利之徒。僞爲小說雜書。南人喜談。如漢小王光蔡

伯喈邕楊六使文。北人喜談。如繼母大賢等事甚多。農工商販抄寫繪畫家畜

而人有之。女婦尤所酷好。好事者因目爲女通鑑。甚者晉王休徵宋呂文穆王

龜齡諸名賢。至百般誣飾。作爲戲劇。以爲佐酒樂客之具。意者出於輕薄子一時好惡之爲。如西廂記碧雲駮之類。流傳之久。遂以汎濫而莫之救歟。嘗攷之呂文穆公微時。渴睡漢餽瓜亭寒爐撥灰事。頗見傳記。今從而飾之曰。他日相府退衙。片雪沾衣。欲斬執役人。其妻因反撥灰詩諷之云云。又嘗有鷓鴣詩諷之曰。獸頭元是一團泥。做盡辛勤誰不知。如今擡在青雲裏。忘卻當初窰內時。噫。豈其然乎。撫言唐王播少孤貧。嘗客揚州惠照寺木蘭院。隨僧齋食。後厭怠。乃齋罷而後擊。後二紀。播自重位出鎮是邦。因訪舊遊。向之題名。皆以碧紗籠。其詩播繼以二絕句曰。三十年前此院遊。木蘭花發院新修。如今再到經行處。樹老無花僧白頭。上堂未了各西東。慙愧闍黎飯後鐘。三十年來塵撲面。如今始得碧紗籠。

種種情

不知何人作。唐吉羣龍爲友。柯文巧所誑。百計謀陷。反得成就婚姻。立功受爵。

意外得種種遇合。故曰種種情。作者之意。欲於朋友一倫。勸善懲惡也。所引蕭銑。劉黑闥等姓名。皆見正史。而事實不符。特借用爲關目耳。略云。吉萃龍。字自天。維揚人。家世儒者。貧無妻室。與同窗友柯文巧。字拙生者。善。慨交道不古。相與盟於伏魔神像之前。兩人各訂一館。吉之主人。在本地。柯則在京口。時故梁蕭銑之女。蕭月仙。踞江上。收拾餘燼。爲恢復計。江中人。往往遭劫掠。文巧患之。且以母老。往來不便。商之萃龍。萃龍慨然願相易。挈書籍兩箱。渡江。爲蕭裨。將柳媚娘所劫。憐其書生。不殺。取箱而去。萃龍至館。居停乃隋尙書路惟坦也。二子一女。長子逵。婢出。次子義。及女花卿。皆嫡出。而失母。逵讀書於外家。義以萃龍爲師。甚相得。惟坦亦甚愛萃龍才。欲以女花卿許字。稍嫌其年長。未發口。花卿美而艷。工詩畫。曾在書館壁畫梅一株。爲萃龍所見。甚歆慕。其婢宮春。楊越公素之孫女。遭亂流落。爲路婢。私見萃龍。悅之。思委身焉。告於花卿。花卿許爲轉請於父。柯文巧聞萃龍遭劫。自以爲幸。及至館。主人爲盜所殺。全家被難。

文巧亦幾死。失館過江。訪萃龍。蓋欲謀萃龍館也。萃龍竟欲辭其主人以讓之。適遶之岳父死。遶歸而無師。惟坦并延文巧訓遶。遂俱留焉。初蕭銑之被戮也。其女月仙自縊。帶忽斷。有龍自天降。環繞久之而去。至是劫得萃龍箱。啓視。中有詩文集。自署其姓名曰吉萃龍。字曰白天。以爲此必有天緣。乃作書一通。附以白金百兩。命媚娘物色萃龍。達之而還其箱。會惟坦賓主皆至金山訪僧。萃龍題詩媚娘。見其姓氏。追及還箱。且達書幣。文巧訶以爲賊。幾爲媚娘所殺。萃龍力請。乃免。歸遇花卿宮春。出賞花。萃龍作詩美之。文巧竊其詩。欲告於惟坦。而逐萃龍。置之几上。會出。宮春偶至館。見而藏之。花卿嘗作疊字詩一帙。謂有能續者。卽願許配。宮春欲攜付萃龍。遇遶奪去。告於師。欲污巖其姊。文巧代謀。令陰置萃龍案上。使惟坦見。萃龍信手得之。不知誰作。續和無遺。仍留案間。果爲惟坦見。怒甚。責宮春。飾以水濕欲晒。爲遶奪去。惟坦見續和詩工。又其子義爲師力言。竟以花卿許配萃龍。而使文巧爲媒。文巧雖憤。無可如何也。秋闈應。

試褚遂良爲考官。文巧與萃龍鄰號坐。萃龍文早竣。而文巧一字不成。詭稱腹痛。索萃龍卷閱。故失手污之。萃龍以文讓其抄錄。榜發。文巧得雋。方驕。萃龍適其房師以賄敗。凡所中式。皆革去而受杖。文巧亦與焉。文巧又嘗置酒招萃龍。飲強之醉。潛往其館。欲竊主人陳設古玩。而誣萃龍以盜。夜入室中。守者執文巧爲盜。痛毆之。而前蕭月仙所寄書。則爲文巧竊得。文巧旣遭褫革。在京無聊。聞月仙起兵破閩。朝廷命李衛公靖出榜招智謀之士。赴蕭軍招撫。文巧遂以書出首。謂萃龍與蕭通。靖索書觀之。知蕭慕吉。非吉通蕭。乃舉萃龍爲參謀。使往說蕭降。萃龍承命往。蕭使媚娘爲媒。招萃龍爲壻。從則皈依。不從則殺萃龍。萃龍不得已。與成婚。文巧聞之。又首萃龍與逆爲婚。其妻族皆逆黨。欲圖花卿爲己妻也。惟坦花卿宮春皆被逮。惟坦次子義挾貲奔救。而差官本楊素家將。識宮春爲故主。方爲營釋。值劉黑闥起兵攻破鎮江。大肆屠掠。惟坦一家。以被逮入都。得免。獨長子遠不顧其父。家居被殺。萃龍旣招蕭月仙降。朝命卽使率

月仙兵征黑闥伏魔大帝陰助之黑闥平萃龍受封爵惟坦花卿宮春皆得釋
花卿宮春並歸萃龍與月仙爲姊妹而不分妻妾伏魔命周倉攝文巧魂一一
詰責之文巧伏罪伏魔使化爲人面虎至萃龍家乞食以示報應云 按唐書

高祖武德四年遣趙郡王孝恭李靖伐梁梁王銑降孝恭送銑長安後數日救
兵至且十餘萬知銑降乃送款銑至高祖讓之對曰隋失其鹿英雄競逐銑無
天命故爲陛下禽猶田橫南面豈負漢哉帝怒其不屈詔斬都市先是銑遣

劉泊略地嶺表得五十餘城未還而銑敗泊以所得城來降不言有女月仙復起兵也方銑稱

梁公有柳生以衆歸劇中柳媚娘借此影射也 武德五年太子建成兵至昌樂劉黑闥亡走黑闥起兵漳南

據鄆縣兗鄆陳杞伊洛曹戴八州應之繼取唐定州拔相黎衛州稱王都洛州
秦王破之於洛水黑闥奔突厥引兵寇山東又寇定州復據洛州建成請行至

則其衆食盡多亡降黑闥遁走六年春正月漢東將諸葛德威執其君黑闥降唐唐斬之始終不言

其破鎮江與前蕭月仙之說皆僞也

玉殿緣



不知何人作。情節與幻緣箱彷彿。姓名關目互有異同。復添飾明武宗微行。賜曹尚書女妻周元。以供點綴。俱係空中結撰。江筆與玉娟素娟殿上結姻。是名玉殿緣也。略云。婁東人江筆。字彩生。幼失怙恃。與支硎釋了凡爲表兄弟。依僧舍讀書。有胡素娟者。名門女也。貌美通文墨。母再醮胡成。因成賭博貪飲。抑鬱而逝。成赤貧無業。賃了凡屋。賣酒於支硎山下。令素娟當壚。筆偶閒行入肆。覩女之美。方與接談。成歸。遇筆以其房主之親。勸使酣飲。揚女才技。言欲與人爲妾。售數百金。筆云。女既有才貌。當擇佳配。何圖利也。怒而詆成。成告了凡。以酒醉解釋之。御史何天衢。字荆溪。蘇州人。無子。妻侯氏。生女玉娟。天衢在朝。與劉瑾焦芳議事不合。乞歸林下。旋起兵部職方司。時瑾監督團營。而芳居內閣。擅權用事。兵部尚書曹仲與天衢議。欲劾瑾。芳適流寇趙瘋子擾山左。瑾芳欲陷天衢。授爲濟南兵備道。與兵三千。令速勦賊。天衢遣書接家眷之任。玉娟支硎進香。墮鳳釵於地。筆袖之歸。玉娟失釵。遣婢春紅往覓。筆出釵示婢。而欲

面還玉娟。堅不與婢。婢不得已。引筆入玉娟之室。筆遂求婚。玉娟恐爲己累。語令速出。值母得家書。令女束裝。直抵臥室。春紅窘急。無措。匿筆空箱中。母卽挈女與婢入己室同臥。有賊夜入行竊。卽胡成與成舅貝戎也。意箱中有物。昇歸。令素娟看守。復入何宅。娟啟視。見是江筆。慮其受害。筆遂出鳳釵相贈。燈前訂盟。聞玉娟將赴山左。卽攜素娟潛遁彼處。胡成先歸。見箱已空。又失素娟。方甚驚疑。貝戎已至。謂成藏所竊物。故匿其女。毆成立斃。納尸空箱。棄於路。走投龍衣船。充水手。邏卒獲箱。未悉其故。而春紅出覓。認箱卒擒。春紅解所司。乃焦芳牙爪也。知天衢乃芳所惡。械婢入京。請拘天衢家屬質訊。天衢僕王安探知。與夫人謀。速買舟詣任。所以避禍。過淮登陸。芳遣騎繫玉娟入京。而夫人又於濟南道中爲流賊所得。玉娟逮入獄。與婢證箱中之尸。嚴刑酷拷。苦不能勝。春紅認罪。願抵芳。遂定婢大辟。以玉娟發豹房承應。筆偕素娟行至寶應。與貝戎遇。戎謂筆拐其女甥。卽拉素娟入其舟。至京。賣於劉瑾。瑾亦送入豹房。流賊旣得。

天衢妻挾之以招天衢。僕王安卽給降賊入湖南。與天衢定計設陷坑誘賊入城。盡縛之。班師奏捷。詔陞天衢禮部尙書。充會試考官。王安授指揮。時武宗微行洛陽。宿於莊家。老媪周姓。其子名元。頑劣多膂力。與媪具雞黍甚恭謹。武宗聞更鼓聲。詢元。元應云。此兵部尙書曹仲園居巡邏也。武宗聞仲有女。知元未婚。卽以密詔授元。令齎詣曹仲。及開讀。詔以仲女妻元。授元錦衣衛指揮。筆與素娟相失。赴京求科名。元途遇之。憫其落魄。遂挈同行。入都應試。二娟於豹房各敘衷曲。玉欄素所佩鳳釵。乃已舊物。細詢之。知係江筆所贈。因爲述遇筆始末。武宗偵知。索釵觀之。詔許復合。會廷試夢彩筆生花。用金甌以下狀元。正得江筆。以爲瑞應。擢爲第一。出鳳釵與認。筆具奏無隱。詔出二娟與筆就玉殿成婚。賜金蓮寶炬。送歸私第。帝已具悉瑾芳奸惡。天衢又抗疏訟女寃。二人皆被逮正法。按何天衢。武宗初年爲御史。正德三年。劉瑾列劉健謝遷等爲奸黨。榜示朝門外。內有天衢姓名。並無得爲宗伯典試之說。且瑾敗由張永與天衢。

何與曹尙書疑指曹元係大寧衛人大寧之地已棄衛附保定府蓋卽保定人也。由兵部尙書入閣。乃劉瑾焦芳所引用也。然劉瑾時武宗未嘗微行亦不可不辨。

雙鴛佩

不知何人所作。演馮珏陸韜與霍素娥青霞姊妹。以雙鴛佩相訂。故以爲名其事。無所出。借賈似道廖瑩中點綴耳。略云金陵人馮珏字比玉。陸韜字龍士。皆失怙恃。珏父曾官冢宰。與司馬霍匡相善。珏韜好友。楊義忠字君烈者。應試臨安。賈似道倡公田之議。義忠率諸生擊登聞鼓。奏其失。似道怒而逮之。乃亡入太湖。湖賊花再芳嘯聚洞庭東西二山。用遁法邪術。官兵不能勦。義忠說使歸正。再芳不從。權依之以避禍。霍匡字定庵。夫人李氏生二女。長曰素娥。次曰青霞。皆貌美。未字。統制杜仲宣。匡故友也。遣子復美應試臨安。致書求婚。寓匡園亭。匡出雙鴛佩。令復美題詠句甚俚俗。匡妻以佩付二女。素娥見詩不悅。每

恐父輕諾其婚。時馮珏陸韜亦與公田奏內。恐似道追緝。並來投匡。匡以同年之子留與復美同寓。亦令和雙鴛佩詩。似道方造十二樓。起半閒堂。與門客廖瑩中及諸姬妾鬪促織爲樂。銜匡首沮公田。見湖賊甚張。遂薦匡督師往勦賊。用妖術禽匡。迫降不從。將殺之。義忠勸止。拘置營中。初匡女遊園。見二生所和雙鴛佩詩。清麗可喜。姊妹皆屬意。乳媪遂索雙佩以贈二生。復美潛知之。竊陸韜佩以告匡。匡怒。逐二生。方究二女。會有詔促行。遂倉卒去。復美見匡行。則乘夜入內室。圖誘二女。爲乳媪所辱。與羣僕謀而逐之。懷憤而還。私結瑩中。謁似道。誣匡賴婚。且言二女皆絕色。匡已降賊。請籍其家。逮二女。第以一與己。可留其一也。似道從其言。匡僕聞之。告夫人與二女。買舟遁江南。似道使瑩中與復美掩捕之。適珏往探復美。意珏藏匿。擒見似道。珏以言侵之。似道怒。繫之獄中。獄官朱恩。昔爲珏父長班。感其舊德。縱珏出獄。遂自盡。匡妻女避難。素娥方抱疾。中途遇賊黨。與乳媪並棄于岸。而劫夫人與青霞。欲獻再芳。會義忠見之。詢

是匡妻女。遂留養橘園。欲乘機送匡同歸。素娥見母妹被劫。自投于河。爲女真觀道姑所救。留與乳媪權棲觀中。珏之出獄也。道遇賊黨。亦爲所擒。與匡所拘地咫尺。聞匡浩嘆。方與共訴踪跡。適義忠至。詢珏近狀。及被掠之故。珏具言其詳。義忠遂告珏。言匡妻女皆在。惟失素娥。乃令珏出鴛佩。許爲尋覓素娥。而縱珏出營。令速應試。陸韜于女真觀遇乳媪。告以素娥在觀。青霞被掠。立辭乳媪。欲訪青霞。與珏遇逆旅中。韜告珏曾見素娥。珏亦告韜青霞之信。乃同入京應試。而復美與瑩中遍覓二女。不得。一日見素娥于觀中。乃與僕劫之去。乳媪仆地痛哭。義忠適至。詢其由。乳媪告素娥被劫事。義忠率勇士尾之。復美之意。謂似道必以素娥爲己配也。似道則令瑩中昇入府中。欲以爲妾。復美方大悔恨。而義忠于途中奪之。出珏鴛佩以示素娥。送至橘園。與母妹相聚。珏韜入京。虞似道爲難。珏改姓名馬雙玉。陸改龍韜。皆擢高第。似道陪宴瓊林。識珏。仍欲陷之。奏令督師。以韜爲監軍。共剿湖賊。珏韜致書義忠。令爲內應。義忠勸再芳納。

款堅不肯從。遂給領全軍以對敵而密詣珪降。邀再芳入營議事。恐其遁去。以鷄犬血灑于地。遂擒再芳。班師入京。義忠奏明匡忠烈狀。詔復原職。珪奏復原名。珪授修撰。韜授編修。義忠授都督同知。而似道爲珪韜所劾。貶循州校尉。鄭虎臣押解。死於木棉庵。義忠復以雙鴛佩訂盟事。奏聞。詔賜二女與珪韜爲夫婦。

幻奇緣

未知何人作。所演豐瑞兄弟事。謂出東魏時。史傳無其人。蓋鑿空造出也。兄弟兩人姻緣甚幻。故曰幻奇緣。中州人豐瑞。字有年。堂弟祥。字有歲。並爲諸生。瑞每夜夢登仕籍。由令作守。遷兗州兵巡道。至山東巡撫。弟每夜夢一丐者拉往求乞。如是各半歲。書童獻計。請畫兩圖。其一曰出賣榮華。其一曰出賣窮神。使書童持入市中。有買去者。其夢或隨以去。同里巨富董齊。字青疇。妻馮。已逝。一女貞貞。與乳娘同居。齊使賣花取給。謂之花婆。每與貞貞竊議。以齊慳吝特

甚勸導不納。思得一法鎮壓其財星。適遇書童。乃買其窮神之畫。使貞貞藏於篋。又有松一枝者。貧窶乞丐。而氣甚豪俠。力舉千鈞。善使槍棒。其女福兒。自負才貌。以針指自活。見所賣榮華之幅。取其吉利。買藏篋中。瑞祥兄弟自此遂不復夢。是時東魏胡太后握權。西廡內監榮華。以剪滅邳州王羽。官銜邳州神武團練使。出鎮關東。壓伏齊梁六鎮。朝廷崇尚釋氏。方作永明閑居寺。親講佛書。奉胡太后懿旨。使榮華賫帑百萬。建造瑤光寺。有鄒之極者。瑞祥同庠。而齊之表內姪也。欲得貞貞爲妻。齊不允。且詬辱之。之極大恨。之極嘗邀豐氏兄弟。賞春於杏花村。瑞於送春之日。邀鄒答席。祥小恙未與。而之極淹留博場。久之未至。適一枝求乞而來。瑞見其氣概軒昂。談吐不凡。留與快飲。迨之極至。見有乞兒在座。以爲輕己。遂與訂仇。乃投榮監於瑤光。出首云。中州秀士豐有年。有歲兄弟。謂上公猖狂亂法。暗謀行刺。所謀不遂。畫圖二幅。寫姓名官銜。在街坊出賣。肆行無忌。其畫在妻松福兒董貞貞家。華問云。何之極答曰。出賣榮華。榮華

者上公之姓名也。出賣窮神窮神者隱邛神二字。邛州神武將軍上公之官銜也。華以之極盡忠於己。收爲義子。委授七品之職。而立捕其兄弟。酷刑拷訊。使中州牧守發配寧夏衛充軍。并遣卒捕二女入獄。胡太后幸火雞山。恐承值女士鄉音不通。遣內史屬華買本地女子二人入侍。二女被禁。共商買畫之事。恐一承認。則實豐氏兄弟之罪。定計堅抵無有。而華聽之極謀。竟以二女送入行殿。承值胡太后於時。東山葛榮倡衆作亂。以瑤光財賄山積。引兵襲之。殺華于寺。盡劫其貲。且聞胡太后欲幸瑤光寺。建圓滿道場。謀欲劫胡太后。駕太后聞之不復赴寺。葛榮直逼火雞山。太后下旨。有退榮兵擒得榮者。不論軍民人等。賜爵一品。食祿萬戶。董齊聞其女被禁。正覓一枝相商。何策救女。付五十金俾爲料理。途遇二豐爲解差所扼。自述受之極賄。使在榆林山路殺之一枝。遂殺解差。予二豐以五十金。令入京赴試。轉至驛前。恰遇之極。遂并殺之。與齊同入火雞山。探二女之信。聞山中大呼有懿旨。召勇士殺賊。一枝卽拔一棗樹爲兵。

器直前搏殺葛榮。榮兵盡竄。太后還朝。授爲東山鎮守掛印總兵。太后因問二女履歷。二女恐以無夫答。則被留宮中。遂言有夫。名曰豐。有年。豐有歲。蒙賜黃金綵緞。俾其父領出。以歸其夫。及見殿試榜發。榜眼卽豐。有年。探花卽豐。有歲。太后太喜。宣問姻事。皆答未聘。太后以爲薄倖。立褫冠帶。令禮部押回。與二女面對。乳娘乃爲二人具述二女被鄒之極。陷害指爲豐氏兄弟之妻。獄中相商。藏書不認。以出二人之罪。及入宮喚問。恐留不出。乃指夫名以應。二豐乃並認爲妻。自承已悞。求巡按高拔奏明。奉懿旨以福兒配有年。貞貞配有歲。按明汪直開西廠。魏忠賢稱上公。前代無有也。作者當是明末人。

白玉環

不知何人作。事無可考。以高女贈蔡生白玉環。故名。前後落場詩句。並集西廂記中語。其關目亦彷彿西廂。中間閨詞一首。用溪西雞齊啼爲韻。而中藏一二三四五六七八九十百千萬兩丈尺雙半字。三十年前南方盛傳此體。文人墨

士作者甚多。恐是有人見此劇而偶然效之。遂致流傳也。然其原作甚不爲佳。殆無足取。據云長安人蔡莧雙。字單撰。世居東溪。年少高才。未有妻室。與同窗田偕行善。莧雙欲就試。乏資。以家傳世寶白玉環一雙。命僕隨游典賣。千戶高月旦者有一子一女。女名蒲玉。貌美。通詩書。及笄未字。子名湖龍。尚幼。清明節。月旦挈家祭掃。遇隨游持環欲售。月旦以厚價得之。付與蒲玉。時外番十草王等內侵。朝廷命月旦隨總兵白亦馬出師往討。莧雙試歸。節屆端陽。出觀競渡。經月旦門。遇蒲玉。一見目成。移時分散。蒲玉病。田偕行者善醫。卽玉之表兄也。玉母延之診視。偕行見其表弟湖龍。年長而未就塾。因薦莧雙爲師。莧雙赴館。蒲玉之婢曰蓮翹。端陽日與蒲玉同見莧雙。且知玉之屬意也。告玉。玉方作詩懷所見。詩置杯底。蓮翹取杯貯茶送莧雙。而詩黏杯底。誤入雙手。雙狂喜而和之。欲託蓮翹轉達而未付。湖龍竊紙。使其姊剪馬爲戲。亦悞竊雙詩。玉與己作溪西鷄齊啼詩。同置書中。湖龍復悞取玉作歸雙。雙以玉眷己之至。

也。告諸蓮翹。翹使作簡約。玉私會。玉得簡。怒甚。欲責蓮翹。雙聞之。積想成疾。且危。翹以告玉。玉大憐愍。遂約雙夜會於書齋。玉以白玉環贈雙。爲終身之訂。是夜爲其母所覺。將近中秋。具脩脯。附以贖儀。陰辭雙。雙不得已辭歸。月夜方思玉不置。而偕行來。邀飲。醉後出遊。不覺遺環。月旦凱旋。得環於路。心疑其女。將欲拷蓮翹。會朝命至。陞江南總兵。卽日挈眷同行。竟雙失環。鬱鬱不樂。偕行來勸同遊江上。觀燈。遇月旦。兩人同求見。月旦愛其雙才。留署中。未幾。應試。竟雙偕行。皆得第。雙囑偕行爲媒。求蒲玉爲婦。月旦欣然應允。合卺之夕。重出玉環。各言始終得失。以爲前緣定數。不偶然也。

珊瑚釧

不知何人所作。所演秦一木遇段如圭事。具見西湖記中。而改作珊瑚釧者。西湖記云。拾得珊瑚樹。於理未協。此處改換爲是。其關目亦屢有異同處。應並存也。巫山秦一木。已登秋榜。未有子嗣。辭妻葉氏。遊學杭州。寓姚愛溪客店。春

色融和。買艇遊西湖。適段百萬名人言者。挈子奇聞女如圭出遊孤山放鶴亭。

如圭顧秦生留意。天暮風雨。忽遽散去。遺失珊瑚寶釧。秦生拾之。西湖記作寶樹乃倩

姚愛溪弓佳之二人薦入段宅傭書。改名何易。遣僕秦旺歸家。奇聞性癡騷。畏

父師督課。每倩秦生代作文。則父師大悅。一日不能離秦生。偶偕其姊于書室

外門百草。秦生誘奇聞去。突出見如圭。敘相慕之意。以還珊瑚釧爲辭。奇聞忽

衝散不勝悵快。葉氏令秦旺寄書促生會試。生方以戀如圭致病。如圭憐之以

厚實胭脂五枚。花一枝。檀香等一把。封付奇聞。詭云海上仙方。付生治病。奇聞

願秦生病愈。代已作文。不疑姊之有私也。秦生與姚愛溪詳謎。愛溪指出。約於

後花園相等。西湖記云秦旺詳謎此云姚愛溪蓋以秦識見不應遜其館童也似此爲優夜至園中。如圭果來。而頗

持正論。不肯苟合。請俟來春會試得雋。倩媒合婚。乃復以珊瑚釧贈生。并銀十

兩爲旅資。遂偕秦旺歸家。西湖記中有知風考女一折言段父已知其情如圭以死嚇父乃不敢究此記無有槐陰送別一折西湖

記謂奇聞攪散此改其父西湖記又有追生遇寇一折言奇聞追生爲倭入京所捉綁于樹上藥酒除倭一折言胡宗憲令高千總毒殺倭賊此亦刪去

會試探花及第。告假祭祖娶妾。同年全其美授仁和知縣。秦生以珊瑚釧付之。卽爲聘如圭之禮。其美抵任。富豪成尙難謀娶如圭。人言已允。而如圭堅守秦約。尙難控縣。全其美受秦生之託。以爲六禮未行。勒措八字不還。反告悔賴人妻。將尙難責遣。而出秦生珊瑚釧以聘如圭。於是人言備奩具送至秦生家。正妻葉氏不得已而納之。其後歡好無間云。按無錫蔡瓊枝。其父賣腐爲生。瓊枝傭書于大族秦氏。每代其二子作文。師輒嘆賞。後知瓊枝所作。盡以法脉授之。瓊枝遂成順治丁亥進士。劇內代子作文之事。頗與相似。而瓊枝亦似一木。但未聞有段女一番事情也。

賜繡旗

所載漢光武及鄧禹岑彭馬武銚期等與正史不合。

劇中大概以光武爲主。岑彭馬武爭武狀元爲眉目。

而所標賜繡旗三字則謂王莽以賜陰后兄蘇成者餘並雜綴。

演義以馬武銚期岑彭杜茂爲四勇將。故此劇

亦以四人串入。

光武本紀。王莽遣王尋王邑將兵百萬到潁川。旌旗輜重千

里不絕時有長人巨無霸長一丈大十圍以爲壘尉又驅諸猛獸虎豹犀象之屬以助威武光武將數千兵徼之於陽關諸將見尋邑兵盛反走馳入昆陽尋邑兵圍之數十重光武出戰尋邑兵卻諸部共乘之連勝光武乃與敢死士衝其中堅尋邑陣亂乘銳殺尋莽兵大潰死者以萬數王邑等乘死人度水逃去

按本紀光武未起兵時但云避吏新野續漢書曰伯升賓客劫人上避吏新野鄧晨家是也今劇云避陰后家王莽演武場較藝光武改名金禾箭射莽冠莽

欲擒光武光武化金龍遁去此本演義而又小異演義云光武搭箭欲射莽力猛弓折莽欲殺之竇融諫止後在太學臥榻有金龍護體之異莽復以爲妖人

而捕之此即並作一事漢書未嘗有光武逃遁之說皆本演義而飾之也演義云光武奔逃擲玉環地下黑鴉引路至劉良宅劇云烏鴉銜環至陰長

宅者 皇后紀陰皇后諱麗華南陽新野人初光武適新野聞后美心悅之後至

長安見執金吾車騎甚盛因歎曰仕宦當作執金吾娶妻當得陰麗華更始元

年六月遂納后於宛當成里時年十九鄧奉起兵后兄識爲之將后隨家屬徙

涪陽止於奉舍光武卽位令侍中傅俊迎后到洛陽以爲貴人 東觀漢記有

陰子公者生子方方生幼公公生君孟名睦卽后之父也世本睦作陸後贈宣

恩侯。陰后紀。后母鄧氏。光武詔大司空曰。吾微賤之時。娶於陰氏。因將兵。

征伐。遂各別離。幸得安全。俱脫虎口。又陰后紀。七歲失父。雖已數十年。言及。

未嘗不流涕。按史。陰后歸光武始末如此。其父母名姓亦具。無所謂蘇虎。改姓名之說。劇中載蘇成事極多。郊壇箭射王莽。莽賜黃旗一面。

親書奉勅。叛國降漢。蘇成八字。令出叫有叛莽與漢者否。此段據演義。其後宜秋山招兵與鄧禹攻昆陽及引兵入長安等俱以成作大關目。加之緣飾。又以

成爲陰后兄。則更與演義不同者也。演義云。成射莽。中平天冠。劇云。光武射莽。中平天冠。既移成事於光武。故又以爲成欲刺莽云。按正史。無蘇成。係演

義撮撰。演義賜黃旗。劇改賜繡旗。且用爲戲名云。漢書外戚傳。孝平王皇后。安漢公莽女也。自劉氏。

廢。常稱疾不朝會。莽敬憚。傷哀。欲嫁之。乃更號爲黃皇室主。及漢兵誅莽。后曰。

何面目見漢家。自投火中而死。元后傳。莽欲得漢傳國璽。太后不肯授。莽。

使王舜求璽。太后怒罵之。出璽投之地。今劇云。投玉璽。撞死。是以元后平后合爲一事也。元后投璽。本漢書。其撞死則

本演義。而又移作平后。蘇獻殺劉登。本演義。莽用獻謀。亦本演義。蓋影響王舜事也。鄧禹傳。禹字仲華。南陽新野人。

受業。長安時。光武亦游學京師。遂相親附。及漢兵起。禹聞光武安集河北。卽杖。

策北渡。追及於鄴。任使諸將。多訪於禹。每有所舉。皆當其才。光武卽位。拜大司。

徒。鄧禹與光武游學相親。殆故交也。嚴子陵亦光武故交。劇中記禹及子陵決光武爲眞主。雖本演義。而不爲無因。至云說馬武。鄧暉。從光武。則全非事實。

禹從光武。已在光武安集河北時也。岑彭傳。彭字君然。南陽棘陽人。王莽時守本縣長。漢兵起。

攻拔棘陽。彭將家屬莽前隊大夫甄阜。阜怒彭不能固守。拘彭母妻。令効功自

補。彭將賓客戰鬪甚力。及甄阜死。彭被創。亡歸宛。與前隊貳嚴說共城守。漢兵

攻之數月。城中糧盡。人相食。彭與說舉城降。乃封彭爲歸德侯。據史。彭本莽將。後始降光武。今

劇據演義爲主。遂加以附會云。彭中武狀元。官金吾。追光武至陰麗華宅。又追至杜茂宅。又爲巨無霸先鋒。爲姚期杜茂所禽。母又被賺。始降光武。銖

期傳。期字次况。潁川邠人。長八尺二寸。容貌絕異。矜嚴有威。父猛。爲桂陽太守。

卒。期服喪三年。鄉里稱之。光武略地潁川。聞期志義。召署賊曹掾。從徇薊。光武

卽位。封安成侯。史本作銖。期今劇與演義皆作姚期。東觀漢記。銖期疾病。使使者存問。加賜醫

藥甚厚。其母問期。當封何子。期言受國家恩深。常慚負。何宜封子也。上甚憐之。

劇云。期與母居。光武被追入其家。期藏匿。光武期偶出。光武被禽。期知而疾追。會馬武聞鬪聲。突出共戰。衝散莽兵。問知爲光武。乃同往奪回。武約期隨光武。

期以母老。不願出。期母乃自殺。以堅期志。後與杜茂禽岑彭。及昆陽大戰。功多。此皆據演義也。期從光武。在略潁川。後至臨歿時。母尙在。蓋因其孝而附會云。

爾馬武傳武字子張南陽湖陽人少時避讐客居江夏王莽末竟陵西陽三

老起兵於郡界武往從之後入綠林中遂與漢軍合更始立以武為侍郎與世

祖破王尋等拜為振威將軍世祖擊賊武常為軍鋒力戰無前即位封山都侯

帝與功臣讜語從容言諸卿不遭際會自度何所至武曰臣以武勇可守尉督

盜賊帝笑曰且勿為盜賊自致亭長斯可矣劇云武與岑彭爭武狀元不得怒題反詩而去鄧禹說武於新安侍

光武與姚期救光武出檻車迎岑彭母於棘陽遂于昆陽力戰大段本之演義謂武醜漢亦本演義惟昆陽之戰武實與焉史所云同破王尋也劇云昆陽之

戰二十八宿皆與則大謬矣杜茂傳茂字諸公南陽冠軍人初歸光武於河北為中堅將

軍常從征伐世祖即位拜大將軍劇云光武被追至茂宅茂敗岑彭其後投光武與姚期同擊禽彭亦本演義岑彭學武藝

於茂父惟茂能制彭亦本演義邳惲傳惲字君章汝南西平人治韓詩嚴氏春秋明天文曆

數王莽時寇盜羣發惲占象謂漢必受命西至長安上書王莽令就臣位莽大

怒繫獄會赦得出南遁蒼梧傳俊聞惲名請為將兵長史有功惲恥以軍功取

位辭歸鄉里久之郡舉孝廉為上東城門候帝出獵夜還拒關不開詔賜布帛

令憚授皇太子韓詩。憚友董子張痛父仇不復。憚令客遮仇人取其頭以示

子張。劇云憚剪徑逢鄧禹乃同歸光武令以兵迎陰后且禽巨無霸憚本文人安得有剪徑事蓋因禹有殺董子張仇人一節遂加附會耳。王

莽傳。夙夜連率韓博上言有奇士長丈大十圍來至臣府自謂巨毋霸出於蓬

萊東南五城西北昭如海瀕。昭如海名也。軺車不能載三馬不能勝即日以大車四

馬建虎旗載霸詣闕莽留霸在新豐更其姓曰巨毋氏。光武記巨無霸為壘尉是後不詳應沒昆陽之

戰謂鄧憚禽無霸則謬。平帝紀師古注莽因朝臘日上椒酒置藥酒中故翟義移書云

莽鳩孝平。劇云莽殺平帝本此。光武紀九月庚戌三輔豪傑共誅王莽傳首詣宛。劇云蘇成

入長安莽自刎亦附會也。

定天山

不知誰作演薛仁貴三箭定天山事仁貴本由張仕貴而起仕貴亦無妬害仁

貴之事薛宗顯則無其人劇以仕貴婿宗顯冒仁貴之功因百計阻遏仁貴非

也。劇云仁貴子丁山黃禪老祖遣黑虎馱入深山教以兵法薛宗顯途中遇虎也仁貴正逐虎搏殺之宗顯遂拜仁貴為兄令投其妻父張仕貴仁貴方天畫

戟及銀盔銀甲皆逐虎時所得神賜也皆係生撰又云蓋蘇文駐鳳凰城截奪百濟所貢明珠龍馬大詆太宗太宗遂親征般開山程咬金秦懷玉等皆從秦瓊已病尉遲恭亦老軍師徐勣言將星已現聖駕渡海後自來相助云云亦係生撰仁貴訴十大功勞歸結于三箭定天

山按天山在西北塞外劇卽并入高麗亦非也

十大功勞一曰平蠻論二曰打海曠天計三曰免朝牌四曰打

破黑峯口五曰直入鳳凰城六曰箭射蓋蘇文七曰蓋牟城活捉高天英八曰白岩城刺殺洪飛虎九曰智取黃龍坡十曰三箭定天山皆係緣飾鄂公憤奏又于功臣宴上索鬧上遣英鄂偕裴寂研出真情罪士貴宗顯而封仁貴亦非實事黃禪遣丁山救父殺賊後與高麗寶珠公主爲配亦是增飾示奇高

麗公主向鐵勒島借金勒銀勒烏賽神三人把守天山皆爲仁貴所殺此則因本傳擒葉護兄弟三人而加以點綴者也高麗閉道隔絕新羅百濟在蓋蘇文

前蘇文卒于高宗時未嘗被戮江夏王道宗從征高麗未嘗居守當以正史爲據按唐書薛仁貴絳州龍門人少貧賤以田爲業將改葬其先妻柳曰天子

自征遼東君盍圖功名以自顯富貴還鄉葬未晚仁貴乃往見將軍張士貴應募至安地會郎將劉君弼爲賊所圍仁貴馳救之斬賊將係首馬鞍賊皆懾伏

由是知名王師攻安市城高麗莫離支遣將高延壽等率兵二十萬拒戰倚山

結屯。太宗命諸將分擊之。仁貴驍悍。欲立奇功。乃著白布自標顯。持戟腰鞬。兩
弓呼而馳。所向披靡。軍乘之。賊遂奔潰。帝望見。遣使馳問先鋒白衣者誰。曰薛
仁貴。帝召見。嗟異。賜金帛馬口甚衆。授游擊將軍。還師。帝謂曰。朕舊將皆老。欲
擢驍勇。付闔外事。莫如卿者。朕不喜得遼東。喜得虓將。遷右領軍中郎將。高宗
顯慶三年。詔副程名振。經略遼東。破高麗於貴端城。斬首二千級。明年與梁建
方契苾何力。遇高麗大將溫沙多門。戰橫山。仁貴獨馳入。所射皆應弦仆。又戰
石城。有善射者。殺官軍十餘人。仁貴怒。單騎突擊。賊弓矢俱廢。遂生禽之。俄破
契丹於黑山阿卜固。拜左武衛將軍。時九姓衆十餘萬。令驍騎數十來挑戰。仁
貴發三矢。輒殺三人。敵氣懾。皆降。轉討磧北餘衆。禽僞葉護兄弟三人。以歸軍。
中歌曰。將軍三箭定天山。壯士長歌入漢關。九姓遂衰。久之。與李勣攻降扶餘。
威鎮遼海。詔鎮平壤。封平陽郡公。

金貂記

按唐書薛仁貴傳。仁貴絳州龍門人。少貧賤。以田爲業。妻柳曰。今天子自征遼東。求猛將。君盍圖功名以自顯。乃應募立奇功。遷右領軍中郎將。顯慶三年。詔副程名振經略遼東。破高麗于貴端城。明年。遇高麗大將溫沙多門。生擒之。拜左武衛將軍。封河東縣男。未幾。高麗餘衆復叛。出爲雞林道總管。坐事貶象州。會赦還。帝思其功。乃召見。又按高麗傳。顯慶龍朔中。仁貴數與高麗戰。數有功。及破平壤。剖其地爲都督府者九。而以仁貴爲都護總兵。鎮之。又按尉遲敬德傳。敬德性倖直。頗以功自負。嘗侍宴慶善宮。有班其上者。敬德曰。爾何功。坐我上。任城王道宗解喻之。敬德勃然。擊道宗目。幾眇。太宗不懌。敬德頓首謝。及帝討高麗。敬德上言諫。不納。詔以本官行太常卿。爲左一馬軍總管。師還。復致仕。又按宗室道宗傳。帝將討高麗。營州都督張儉不敢深入。道宗請以百騎往。且約還期。帝曰。賁育之勇。何以過此。及從李勣戰。亦數著奇績。不聞有誣搆仁貴一事。今本中所演。與正史殊多不合。鎖陽城之被困。旣各傳俱不載。而敬德黜

免歸田佯疾自廢。作者於此極意模寫。或採諸野史。或別有寄託。俱未可考。其
詆誣道宗處。似從敬德慶善宮爭功一節。曲意點綴而出。此亦傳奇家借以抑
揚。用成關目云。其曰金貂記者。言太宗得白袍將之救。賜以金貂。而不知其
姓名。後仁貴貧窘。以金貂賣于人。其人持此以獻于太宗。乃憶當時所賜陣中
救主之將。于是仁貴之功得白。故以爲標目也。作者未詳誰手。大約
明中葉時人手筆。

狀元香

不知何人所作。演蔡襄造洛陽橋事。與四美記詳略互異。謂襄母誦普門大士

號十萬遍。以香瓣識之。襄得狀元。故名狀元香。關目最荒幻。按四美記謂蔡襄
宗忠懸日月。王玉

貞節勁冰霜。吳自戒義重交游。蔡端明孝能竭
力。故名四美。與此各異。其辨證已詳四美記中。按廣輿記諸書。洛陽江在福

建泉州府晉江縣。唐宣宗微行至此。覽山川之勝。歎曰。大類吾洛陽。因名洛陽

橋。在府東北。跨洛陽江。一名萬安橋。郡守蔡襄建。其事詳襄自記。及慎蒙志錄

載于後。又有以爲蔡錫事者。已辨證于四美記中矣。按襄曾爲泉州郡守。建

洛陽橋。劇稱八閩安撫。非是。又按史。仁宗至和二年。以趙抃爲殿中侍御史。

抃彈劾不避權倖。聲稱凜然。京師目爲鐵面御史。劇中引爲法司本此。又包拯事。屢見

諸劇。此云爲浙閩採訪使。亦係捏造附會。據云泉州蔡襄。母張氏。四美記云。襄父與宗

母王氏。玉貞。玉貞母張氏。四美從興宗。敍起。此竟從襄說起。嘗夢神令持誦大悲觀世音菩薩。滿十萬。當生

子作狀元。遂如法持誦。每千遍。以信香一瓣記之。香滿百果。有身。四美記中。以三官神力送

狀元之子。又有明惠禪師作緣。此作觀音。三月而夫已逝。送葬渡洛陽江。遇風。舟將覆。空中語云。船

中有蔡狀元。風遂息。慎蒙志云。蔡學士。同舟無蔡姓者。母感神祐。許他日生子建橋。以

濟行人。四美記相同。添出渡夫。預夢蔡狀元之說。及生襄。既長。母出香告。以故。命入京應試。遇大士

像。卽焚此香。時太尉刀數擅權。子衒居泉州。造渡船二隻。踞東西岸。婪詐渡者。

甚。且劫財漁色。襄母同襄妻吳氏過渡。索詐不已。劫吳氏歸。衒見其美。逼之不

從。撲死。沉屍于海。洛陽龍神奉大士旨。救甦。養于宮。爲己女。張氏知媳遇害。欲

自盡。爲府吏夏龍勸止。語以浙閩採訪使包拯將到。宜往控告。張乃北上。會拯

微行入閩。過洛陽渡。衽索渡錢不敷。縛懸于廠。夏龍過而解之。拉至酒肆。悉衽

凶惡。拯出使印示之。命龍隨後來京。以為款證。此段與四美記全異。四美記言襄父與宗出使高麗。欲招為婿。

不從。被拘。妻王氏在家。與宗友吳自戒。不知與宗之妻。遣媒強聘。王氏割耳自誓。自戒大悔。聞是與宗之妻。認以為嫂。久之自戒與襄同中。以女許襄。而求使

高麗。以訪與宗。襄擢狀元。奉母命奉請建橋。刀斃恐橋成。其子失利。乃誣襄欲通倭。褫

職回籍。遇母于觀音庵。斃遣卒尾害襄。卒入庵。張氏喊救。被踢死。襄逸出。遺衣

給卒取。乃得脫去。張氏得大士救甦。謂子被殺。赴闕鳴冤。以無證下獄。襄不知

母復生。亦詣闕上書。朝廷以母子皆誣。奏皆命處決。會拯至京。劾刀父子害襄

狀旨。以拯越期出位。與襄母子俱付法司。遣司禮監潘隆同法司趙抃于午門

審鞫。斃賂隆左袒。而抃執法不徇。夏龍又途獲殺襄之卒。以為證。襄寃乃白。拯

復原官。襄授八閩安撫使。母封一品夫人。妻贈貞烈夫人。斃父子伏法。此段亦四美記

所無。關目全異。四美記云。蔡襄中後。其母語及渡海事。乃乞守泉州造橋。驛中

遇吳自戒偕興宗自高麗還。遂同往泉州也。四美記蔡襄字端明。又云為洛陽太守。襄因奏請設法建橋。不支國帑。朝旨褒嘉。即日赴任。鳩工而潮水衝湧。不

能下礎。襄移文檄泉州府。化于龍王廟中。懇停潮三日。初夏龍除惡有功。同事相慶。號曰得海。泉守見檄。謂須人下海。乃集衆役。詢何人下得海。龍謂呼其號。遽出應命。及令以文入海。乃泣別妻子。醉臥海厓。巡海水族見其文。取入宮。龍王他出。公主故襄妻也。知其夫欲建橋。矯龍王命。停潮三日。密附小札候姑。及夫得海醒。見文已換。遂繳於襄。襄大喜。及見妻書。知尙未死。時潮果三日不至。

四美記無此周折。亦載夏得海。不言爲夏龍也。襄本守泉。此言安撫使。另添一泉守。亦非。然基址得立。而費用已竭。襄乃立

關於通衢。募人助工。至六日。無樂輸者。襄餓垂斃。母聞而舁歸。署四美記無于

士普門。大士化爲美女。自稱新寡。挾千金裝。坐舟中。環行城河中。有能以金銀

遙擲中者。卽嫁之。舉國若狂。金銀滿船。總無一著。適呂純陽過。以遊戲神通擲

金著身。美女赴水。現大士像。命純陽送金至襄所。襄尙未蘇。純陽以金一錠。接

其口。卽平復如初。純陽忽不見。遣一柬于舟。知大士助金始末。刻日成功。四美記中

有觀世音化美女事。相合。但彼言純陽欲擲金。觀音已去。此言擲金著身。各異。遂設醮于龍王廟。龍王送還吳氏而去。

此段亦四
美記所無
姑媳夫婦相見驚喜備述大士龍神之力上疏請封朝命包拯賈敕

賜橋名曰萬安

橋名不謬但無包拯賈勅之說

晉蔡襄工部尙書兼領東閣大學士

宋無此官

母妻

加封夏龍授工部主簿

按蔡襄萬安橋記泉州萬安渡石橋始造於皇祐五

年庚寅以嘉祐四年辛未訖工纍趾于淵醜水爲四十七道梁空以行其長三

千六百尺廣丈有五尺翼以扶欄如其長之數而兩之糜金錢一千四百萬求

諸施者渡實支海去舟而徒易危而安民莫不利執其事盧實王錫許忠浮圖

義波宗善等十有五人太守莆陽蔡襄爲之合樂讌飲而落之明年秋蒙召還

京道由是出因紀所作勒于岸左又按慎蒙載蔡襄事萬安橋未建舊設海

渡渡人每歲遇颶風大作或水怪爲祟沉舟被溺而死者無算宋大中間某年

日月濟渡者滿載至中流風作舟將覆忽聞空中有聲云蔡學士在宜急拯之

已而風浪少息舟人皆免於溺既渡舟人細詢同渡者之姓一舟皆無止有一

婦之夫乃蔡姓也時婦方娠已數月矣舟人心異之往而白其母其母感衆人

之言亦以爲異。卽發願禱於天曰。吾今懷妊。若生子。官果至學士。必造輿梁。以免病渡之苦也。後生子。卽忠定公襄。以狀元及第。後出守泉州。追憶前日得免覆舟之難。促公創建此橋者。至於再三。公私計海之深極千丈。若欲築趾。纍石將從何處著力。違命者踰年。夫人復督責不已。一日。忽命工房吏寫文一道。申報海神公。亦勉承母命。自以爲迂誕而不經也。乃命皂隸投文海濱。隸畏溺死。衆皆受責。無一肯從命者。有一風皂隸出而倡言曰。吾願齋文以往。旣至。卽就酒肆。痛飲畢。酣睡于海厓。潮至。有死而已。睡及半日而始醒。醒後退潮。起視之。則文書已易封矣。封上無他書。止一封字。乃返而呈於公。公折而閱之。內一醕字在焉。翰墨如新。舉郡莫之識也。公夜臥展轉思之。方悟其意。曰。醕字以酉配。昔神其令我廿一日酉時興工乎。至期潮果退舍。沙泥壅積者丈餘。潮之不至者。聯以八日。遂創建此橋。又時有讖云。若要此橋成。除是狀元生。則公之默承天祐。感通神明者。蓋有自也。慎蒙號山泉。常令漳浦會泉州士夫談及此事。

父老相傳。故作文以記之。但襄自作記中。反不言及未知的否。按樵書初編。朱國楨云。宋蔡忠惠創洛陽橋。橫亘江中。選時揆日。畫基所向。鏤趾所立。皆預移檄江神。神得其吉告之。至鑿石伐木。激浪以漲舟。懸機以弦絳。每有危險。神則來相趾石。所累蠟輒封之。至今泉州人能言。而公自作橋記。直言丈尺。費金錢成數。與年月時日。首尾不及百字。噫。若在今日。不知許多誇張。并及神異夢寐已。俗傳端明造橋。移檄海神一卒。應募得醋字。還解曰。酉月廿一日。此事亦奇。然實國朝蔡錫之事。名賢錄云。蔡錫字廷予。鄞人。中永樂癸卯鄉試。入胄監。以學行選授兵科給事中。陞知泉州府。時洛陽橋圯。發故石。有刻文云。石頭腐爛。蔡公再來。遂捐俸修之。橋故跨海。潮日奔澋。施工極難。錫乃爲文檄海神。募賈批者。皆莫應。忽一醉卒踉蹌而前曰。我能往。乃飲酒大醉。自沒于海。若有神接之者。遂得批以還。復于錫上。有一醋字。錫妄意曰。得非八月二十一日耶。刻以是日興工。潮不至者旬日。橋遂訖工。更其名爲萬安。民德之。立祠其旁。配享。

端明錫累官至湖廣巡撫。又仁和鍾化民字維新其母夢蔡忠惠襄而生宰

惠安時洛陽橋壞渡者苦溺橋工鉅且架海難爲力化民毅然修復之既尅期

爲文告海神海不揚波者五日人稱神明及更新忠惠祠於座前土中得碣云

五百年後爲怪濤所折繼我者其維新焉後化民以太常少卿巡撫河南卒於

官上特賜祠額名忠惠出於宸斷不由擬撰而適與蔡端明之祠諡合亦可異

也。按鍾化民萬曆己卯舉人庚辰進士又何士晉曰沈存中言水以漳洛名者甚衆洛落也水

落于下謂之洛舊號洛陽九域志作樂洋江後乃以洛陽名之洛陽橋名萬安

橋蔡忠惠襄所造橋心有洲洲上有關門晉惠二邑界此江也懸榻篇云丹

陽人姜志禮字同節萬曆己丑進士其爲泉州太守時值地震洛陽橋圯過半

公鳩工更理造墩凡三十二經始之際波浸瀾漫公禱于神潮不至者數日匠

師因獲措手其上某石梁舟重水淺不克致公曰昔蔡忠惠公以八月二十一

日安橋第需之至日有水滔天自東方至舟頃刻濟蓋忠惠公夙有橋斷我來

修之說衆謂太守公實再來云。泊宅編載泉州萬安渡水闊五里。蔡忠惠造石橋兩岸依山。非也。余往來此橋。及按端明自爲記。長三百六十丈。非五里。岸左面山。非依山。右則去山尙遠也。按忠惠母盧氏。忠惠於慶曆初爲諫官。有除授非當者。屢封還。仁宗遇忠惠益厚。曰。有子如此。母賢可知。特賜冠帔以處之。

曲海總目提要卷三十六終

曲海總目提要卷三十七

江都黃文暘原本

海甯王國維校訂

丹心照

不知何人作。演楊繼盛事。因閱鳴鳳舊編。翻換爭奇。謂繼盛一片丹心。故曰丹心照。其事蹟真者居多。而亦不免附會。至謂繼盛之女為穆宗皇后。則謬極矣。

茲為按劇敘次。加以辨證。

略言楊繼盛。別號椒山。直隸保定容城人。中丁未進士。拜車駕

司員外郎。見嚴嵩擅權。仇鸞被寵。夏言曾銑受讒。下大理獄。繼盛與妻張氏妾

槐月娥子應尾應箕云。欲劾嚴嵩以報國。

按繼盛自著年譜。原口外小興州人。國初徙入內地。祖百源。徙保定府容

城縣。入樂安里籍。居城東北河照村。世業畊讀。嘉靖丁未年三十二歲。中二甲進士。選南京吏部驗封司主事。辛亥陞兵部車駕司員外。劇中繼盛自白。我故

小興州之羈客。容城縣之農夫。與年譜合。但繼盛於嘉靖三十年陞車駕司員外。夏言曾銑於二十七年被戮。劇言繼盛官車駕。言銑方在獄中。失考。車駕

郎中王繼津名遴。與繼盛同年進士。來告夏曾被戮。繼盛益慷慨欲擊嵩。其子

應尾。已聘同窗李鶴峯之女。遴遂爲子求繼盛女。而以女許聘其次子應箕。按繼

盛二子。據王世貞行狀云。長應尾。娶教諭李九臯女。次應箕。娶都御史王遴女。王君爲兵部時。聞公下獄。慨然以女許聘者。也。按九臯即鶴峯。遴即繼津。其許

女在繼盛第二次入獄後。非此時也。遴于萬曆初官至戶部。尚書以氣繼盛遂節著爲時名臣。又繼盛雖以子女屬遴。其女不嫁遴子。劇失考。牽扭。繼盛遂

上疏諫阻開馬市。論其十不可。五謬。以痛詆嚴嵩。世宗批本云。繼盛之言是也。

會帝與嵩弈。嵩因袖本而出。改籤蒙蔽。令錦衣衛孛送大學士趙錦於武英殿

鞠審。重刑酷訊。貶謫臨洮狄道典史。按世宗中年。俺答大入。庚戌之變。仇鸞承命爲大將軍。自敵退去。不過虛張聲勢。養

寇邀功。會俺答獻叛人錦寶等。上書求開馬市。而其語頗嫚。下兵部尚書趙錦。咸寧侯鸞議。鸞主開市。羣臣皆如鸞言。帝頗難之。以問嚴嵩。嵩曰。非謂恃市忘

戰也。以緩寇而修備焉。遂許開大同宣府延綏寧夏四鎮。一歲兩市。召致仕侍郎史道往大同。經略時嘉靖三十年也。道既行。繼盛上疏諫阻。劇中十不可五

謬。皆疏中語。然未嘗傷嚴嵩。考繼盛年譜云。時有開馬市之議。欲遣子行。子草開市稿。條陳五事。本部尚書趙守樸公錦知之。乃別遣知事張才行。子遂上阻

馬市之疏。上連三閱。即勅曰。繼盛之言是也。乃下閣臣擬票。閣臣開上旨。票語甚溫。而仇鸞有揭帖進。乃下八臣會議。大學士嚴嵩李本禮部尚書徐階兵部

尚書趙錦侍郎張時徹。聶豹成國公朱希忠。并鸞寵勢甚盛。而諸老無實心。幹天下事者。共以爲馬市必不可開。會議本上。遂下錦衣獄。降狄道典史。按此疏

非面奏。亦無一語傷嵩。是時徐學詩沈練皆已抗疏劾嵩。而繼盛論兵部職掌。第攻仇鸞於嵩無與也。年譜并稱嵩爲諸老。其無嫌可知。劇言以五謬詆嚴嵩。

甚誤。世宗批本語與年譜合。其云帝與嵩奔嵩袖本出而改竄則齊東野人之語也。繼盛下錦衣獄無武英鞫問之事。趙錦本兵劇云武英殿大學士甚誤。錦衣拷訊亦與趙錦無與形容。梭敲夾處與史傳合。世宗批馬市本云這事邊臣奏來已久。又會官集議。楊繼盛既有所見。何不早言。今差官已行。卻乃肆意瀆

奏。好生阻撓邊機。搖惑人心。又本內脫一字。着錦衣衛拿送鎮撫司。打着問了。來說劇中所載相同。而改鎮撫司爲武英殿。可怪。王繼津李鶴峯保奏之說。更

陋。繼盛至狄道。因縣令李魚泉考滿。上司委掌縣印。巡按姚景弘發官銀買靴。千疋。價直止四之一。繼盛責打差官。執其所發之票。聲言必欲奏聞。馳馬徑行。

景弘至跪門請罪。又屬臨洮知府應養虛追回。繼盛勒令開通洮水。以漑民田。

乃已。會給事中厲汝進劾景弘貪酷。而大學士徐階特薦繼盛。擢陞武選員外。

郎。遂承命還京。勅開洮水二害。一則撫按買褐。一則洮水淤塞。繼盛執景弘票。

借洮水灌溉。甚有大利。歲久淤塞。園圃漸廢。予乃募各園戶疏通之。而水利之

盛倍于昔時。又云邊方愚民。惟以織褐爲生。上司差來承差書吏。或減價和買。

或以雜物易換。雖撫按守巡亦多若此。然一褐不得其價。則一家不得其養。故

有號泣于道者。有求死于河者。予遂出告示。禁約公差人員買褐。蓋陰寓各上

司之發價。府縣買褐也。無何。巡按差人買褐。予乃拘其差人。收其牌票。欲爲申

請。而府掌印官相講。乃已。此聲一聞。再無一上司來買褐。百姓所得之利。視昔

年加倍。王世貞行狀亦云。有稱巡按御史使下邑責鬻褐者。公持其人曰。御史

無責褐也。責褐卽御史。吾且得請之。其人大窘。郡守尉爲旁解。乃得脫去。據此

二事皆實。但本兩載不宜牽合爲一。譜狀不載。巡按名劇云。巡按姚景弘。知府應養虛。未的。且形容已甚。言費五十四萬金。開洮水二十七里。大失真面目矣。劇云。縣令李魚。泉考滿。繼盛署印。按年譜。魚泉。平定州人。與繼盛相愛。委之以事。非署令印也。厲汝進爲給事中。二十六年論戶部尙書王杲語。侵嚴嵩父子。廷杖降邊方。雜職在繼盛。謫官前。劇所引亦誤。仇鸞既死。世宗怒甚。剖棺梟首。傳示九邊。時嚴嵩恨鸞刺骨。以繼盛劾鸞不得立貴之爲恨。遂起爲諸城知縣。月餘。陞南京戶部主事。甫三日。遷刑部員外。方在道。復調兵部武選司。半年之內。凡四遷。皆出嵩意。于徐階無與。劇謂徐階所薦。亦誤。應養虛與繼盛相善。三十三年爲刑部主事。提牢。爲繼盛檢湯藥。視飲食出之。老監遷之外庫。又爲奔走救解。劇言爲臨洮知府。誤。上疏劾嚴嵩十大罪五。

姦。時嘉靖三十二年也。嵩激帝怒。令校尉拏送刑部。嵩門生何鰲爲尙書。世蕃又令刑部員外李天榮囑鰲害繼盛。嚴刑拷訊。逼供主使。以疏中有或問二王。令其面陳嵩惡語。乃引詐傳親王令旨律。定繼盛大辟。在獄三年。王遴探視。報以凶信。刑科鮑道明監斬。繼盛妻張氏代夫尸諫。道明雖憫惻而不敢奏。張自刎死。妾槐氏。金山衛充軍。長子應尾。榆林衛充軍。次子應箕。臨洮衛充軍。李天榮受嵩父子指。囑解役中途害二子。王遴以繼盛故。被貶榆林驛。驛丞目擊解役行兇。令家人永文毆役。救應尾同行。曾銑部下副將葉真。因銑冤倡亂。道劫。

遴與應尾遴以大義曉之真乃帖服按繼盛劾嵩下獄定辟實事然先送錦衣衛打一百棍乃送刑部從重議罪非令

校尉徑送刑部也旨云這厮因謫官懷怨撫拾浮言恣肆瀆奏本內引二王為詞是何主意着錦衣拿送鎮撫司好生打着究問明白來說劇內所引相合何

驚是嵩門生方繼盛擬罪郎中使朝賓欲從輕議鰲與侍郎王學益引詐傳親王令旨律擬絞監候學益乃世蕃姻家也李天榮者年譜云鎮撫司受棍後校

尉推入包袱擡至法司門口巡風官乃同年江西李天榮者遂革出門扇將藥餌諸物一皆阻住是其為小人無疑劇內引此是實而形容有過當處言其初

本世蕃同窗因考劣等魄京師為世蕃所責逐行乞大雪中繼盛見而憐之贈五十金為資斧後得成進士及官刑部種種毒害繼盛至賄囑解役欲殺其子

此則惡皆歸焉也天榮本繼盛同年劇云繼盛貶官時天榮初中進士亦誤又繼盛所指提牢司官之惡者有劉檟曹天祐天祐本人家奴僕讀書中進士

乙卯被姓無恥劇云在獄三年是實張氏願代夫死疏載繼盛集中並無自刎之說也劇又撰出一段言狄道百姓為繼盛造生祠姚景弘見其劾嵩下獄令拆毀

之萬民共憤擊殺景弘縣令李魚泉僅以十三人蔽獄按此亦是緣飾世宗時無擊殺巡按事神宗萬曆中年湖廣楚宗毆殺巡撫趙可懷作者影借此事也

劇中世蕃自斃票殺七十二諫臣乃齊東妄語並無此事劇又云繼盛將典刑取一竹盒付其子使待嵩敗露開看按行狀云公臨難赴義出所著年譜授其

子應尾曰後十年可開蓋謂此槐月娥抱幼女流徙金山避雨至董家莊乃鄉也劇云被斬亦誤蓋坐絞耳

官董傳策家也時松江知府嚴元即嵩之僕李天榮囑解役殺槐母子役以告

傳策傳策婢秋香願代槐死其夫人又願以女代槐女及送秋香與女至府元

欲占秋香為妾役遂誑取所抱女以還傳策而秋香竟刺殺元而自刎此段皆不實蓋

因董傳策後來有劾嵩事故附會之耳應箕解至臨洮界入一廟中即繼盛生祠百姓方紛紛祭

享見應箕詢得其故共迎養於家解役告以李天榮囑殺應箕因念忠臣後不

忍之故遂偽報嚴氏云應箕已死此亦緣飾非實事久之朝命總兵葉真籍沒嚴嵩家

貶嵩養濟院世蕃處斬應尾應箕等赦還兄弟連科同榜進士繼盛贈太常正

卿諡忠愍應尾兄弟得官應箕與王氏成婚按世蕃處斬及嵩寄食而死乃是實事應尾錄授太學生無兄弟連

科之事繼盛贈少卿非正卿此是穆宗時事劇與狀誌合劇云應尾兄弟成名啓視竹盒乃其父所記生年事蹟蓋年譜也至云槐氏之女選入宮待年為皇

后則妄誕極矣王遴為右都御史亦是萬曆間事此處官銜尚早奏以李天榮發與應尾兄弟聽憑致死亦非實事劇末又云繼盛受玉帝勅為天下都城隍

流俗相傳有此作者遂以繼盛酷訊嵩世蕃下之油鍋鋸解地獄以示生前冤報日洩世人公憤云

投唐記

演尉遲恭投唐真姓名作假故實半出俗傳足以淆亂正史惑人聽聞按之大

抵多不合也。建成元吉乃二人名。今日世安世福。將二名換去。劉文靜誤作

文進。魏王李密開宴。軍師李勣。大將程咬金。秦瓊。丞相魏徵。徵嘗仕于密。然非大察。至唐太

宗時始為宰相。秦王之鎮秦州。路遇李密。言語不遜。密令程咬金。秦瓊追趕。咬金獲秦

王囚在南牢。密破孟愷公兵。又得生子之信。衆囚竝赦。獨不赦秦王。李勣魏徵

秦瓊改詔書一字。私自釋之。密歸。逐三人。咬金亦遂逃去。同歸秦王。瓊獨投紫

陽觀入道。秦王過羨梁城北關。劉武周遣將胡敬德攻之。程咬金戰敗。秦王

乃令徐勣激瓊出山。瓊與敬德大戰。三鞭換兩簡。世俗所盛傳也。敬德屢追秦王。小秦王三跳澗。亦世

俗所盛傳也。被秦王箭中幞頭鳳眼。秦王及瓊勸敬德降。敬德云。武周若死則降。秦

王令劉文進用反間計於可汗。可汗怒殺武周。文進持首歸示敬德。敬德遂降

唐。敬德禽孟愷公。及其妻黑氏夫人白氏女。俱配與敬德。建成元吉定計

令秦王伐王世充。世充將燕夷追秦王。敬德方洗馬。赤身上馬。射殺燕夷。世充

將軍雄信又追秦王。敬德持單鞭至御花園。與雄信力戰。敬德洗馬。單鞭救主。皆世俗所盛傳也。

彼此奪槩。救出秦王。卒滅世充。

大抵屬附會。出于隋唐演義者爲多。奪槩事已見三奪槩雜劇。非與單雄信交戰事。

西川圖

演劉永誠事也。明史宦官傳。中官劉永誠。永樂中爲偏將。累從成祖北征。宣德

正統中。再擊兀良哈。後監鎮甘涼。戰沙漠有功。景泰末。掌團營。英宗復辟。勒兵

以從官。其嗣子聚爲錦衣僉事。成化時。永誠歿。聚後以征西功。封甯晉伯。鄭

曉吾學編。太傅彭文憲公傳。彭時。字純道。正統十三年進士第一人。成化五年

爲吏部尙書大學士。太監劉永誠歿。家人陳有軍功。乞贈伯爵。時力沮。寢其事。

按永誠累立戰功。實中官最有勳名者。故史館特爲立傳。彭時沮其贈爵。則

以明朝祖制。中官無封侯伯之例。時本賢相。非忌嫉也。後其子聚有功。自得封

爵。無可沮者。記中言有大臣梁甫爲難。乃從空點綴。彼時未嘗有此人也。龔

州史料。正統九年。太監僧保出喜峯口。曹吉祥出界嶺口。劉永誠出劉家口。俱

駐古北口。同成國公朱勇等。各率精騎萬人。征兀良哈。陞賞有差。又景泰三

年總督少保尙書于謙總兵武清侯石亨等議選精兵十五萬分爲十營俱聽謙亨及太監劉永誠曹吉祥節制。又天順元年以迎駕功太監劉永誠姪聚爲錦衣衛世襲指揮僉事。且賜永誠勅書獎諭之。成化初御馬監太監劉永誠姪聚封寧晉伯。從永誠積戰功至都督。自以破西番功世襲。按永誠有監鎮甘涼戰沙漠之功而聚又以破西番功世襲此西川圖之所以名也然西番甚遠西川則蜀中甚近作者但據西字遂指西川爲西番失考甚矣所當改正。

醉將軍

不知何人所作。演鮑宣董賢事。略得影響。而荒唐者居多。以中間有所謂辛十郎者。漢帝封以爲醉將軍。故標此名也。按史鮑宣字子都渤海高城人劇作襄陽

人哀帝建平中爲諫大夫。上書論事。譏切幸臣董賢等。上以宣名儒優容之。尋

復上書。中言董賢以令色諛言自進。賞賜無度。竭盡府藏。誠欲哀賢。宜爲謝過

天地。解讐海內。免遣就國。收垂輿器物。還之縣官。是宣結怨董賢之實。然上因

此徵宣爲司隸。賢初未嘗能害宣也。元壽二年。下司隸鮑宣獄。髡鉗之。劇中剪

宣鬚髮。本此。然此因宣沒入丞相孔光車馬。御史坐以摧辱宰相。距閉使者。乃抵宣罪。不由董賢也。其初以王商之辟薦爲議郎。劓以爲髡鉗。後賴王商復官。事則有因。而前後顛倒也。宣貶後竟爲王莽所殺。未嘗復官。宣子永。光武時復爲司隸。其妻述先姑之言。蓋桓少君。劇云。宣妻錢氏亦悞也。宣傳云。王莽召捕隴西辛興與宣女婿許紺。俱過宣一飯去。宣不知情。坐繫獄自殺。劇中辛十郎。蓋謂辛興也。女婿本許紺。劇妄以爲帝子也。女載月之名。亦是添出。引及龔勝梅福者。宣書中薦勝可大委任。而勝與福之去。皆在此數年間。高節相似。然謂時人皆以掛冠而去。爲董賢所收拷。則謬也。勝于平帝元始二年。以王莽專政乞骸骨。太后優禮而遣之。梅福亦知莽必篡漢。一朝棄妻子去。不知所之。皆平帝時事。董賢已亡。且安得有拏問拷訊之事。綱目書法云。建平四年後。封拜誅斥凡十九。其十一皆爲董賢。蓋因賢而誅斥者。鄭崇孫寶母將隆。王嘉。丁明諸人。非宣與勝福也。賢爲大司馬衛將軍。年纔二十二。美麗自喜。侍中驂乘。雖

曰黃門郎。非中官也。劇云賢是內監。亦謬。百官因賢奏事。寵在了傅之右。孔光不敢鈞敵。權與人主侔。劇云位在百官之上。坐大堂理事。先要百官過堂。科部齊來。蓋本於此。董貴妃雖則寵幸。漢史無專傳。亦并無害皇后事。哀帝皇后傅氏。傅太后從弟之子。並非王氏。劇云王皇后。又以王商爲后族。是誤爲孝元后也。傅后至平帝時。王莽白皇太后。貶居桂宮。復廢爲庶人。就其園自殺。乃王莽害傅之族。與董妃無與也。哀帝諱欣。劇乃以爲太子之名。且帝本未生子。更不必辨矣。董賢之縊。在平帝時。亦是王莽承太后指誅之。劇作王商逼哀帝殺賢。王商成帝時已亡矣。劇中大略言董賢恣橫。朝臣多爲所陷。鮑宣髡鉗。貶劍州。其女載月。與僕遁走。至大鵬岡。爲妖僧所迷。殺僕留女。方欲圖姦。善拆字樂嚼者。言亂嚼也。與猛士辛十郎言妖僧截路之故。十郎乘醉殺僧。救鮑女。送于鵲橋。集賢堂尼菴中。宣旣貶徙。賢囑解差于途中害宣。十郎復以僧頭充宣之首。令差報賢。而指示宣使至鵲橋。遂與女遇。王皇后母子皆爲董貴妃所陷。辛十郎


於古廟中救皇子之危。亦請赴集賢堂與宣相見。辛投大將軍王商。授以都尉。戕董賢于水中。又使以兵挾制漢帝。罪董妃而迎后。復鮑宣之官。以其女爲皇子妃。封辛十郎爲醉將軍。其情蹟關目俱是幻出。

天燧閣

不知何人所作。演明太祖時沈萬三事。言萬三家中建天燧閣。設太祖龍牌。朔望祝聖。被陷謫戍。後得辨明。故以閣標記名。其事跡卽聚寶盆故實也。互見聚寶盆記中。略言沈萬三蘇州吳縣人。其父雲路。元朝別駕。爲張士誠所逼。殉

節而亡。此是揣摩未的萬三捕魚吳淞三泖間。妻趙氏。田家女也。萬三與樵夫張留兒

善。偶遇青田劉伯溫基。言萬三十日內富可敵國。留兒亦官至三品。而虎眼非善相。約三年後與萬三見於金陵。萬三捕魚入水得一瓦盆。歸家貯飯餵犬。隨盡隨滿。更投以錢。錢亦立滿。乃換金銀等物投之。皆立滿。蓋此盆乃聚寶盆也。萬三移家金陵。爲海內富民第一。留兒遂以妹麗娘爲萬三妾。其家男女三百



七十五口住房一萬三間。市產官田一萬三頃。租房一萬三所。明太祖定鼎後。

劉基為弘文館學士。按基為弘文館學士。乃洪武三年事。劇記在北伐前誤。往晤萬三。見其宅法不佳。犯

寒冰壓鯉之勢。謂旦暮即有不測奇禍。使建天燧閣以鎮之。劇中伯温云。欲解寒冰。必藉太陽。令

于宅後隙地起三層高閣。名曰天燧。最上一層懸燈一盞。以仿太陽燦冰之象。題扁曰天燧閣。中層設龍牌二座。上書洪武及馬后寶座。每月朔望萬三率全家人口叩頭朝謁。下層設櫃置二册于中。一名朝聖册。每次筆記某年某月臣沈某率領男婦幾百幾十口感恩朝謁。一名散財册。每月濟貧仗義等項。皆一

冊。登記時太祖在宮中。以軍需缺乏為憂。馬后勸取戶口册籍檢視。令富民輸

貲闕册。惟萬三最富。太祖心動。劇又言太祖欲造寶鈔。嘗夢見金甲神人云。須

監中現存試卷。乃秀才心肝也。太祖依奏行之。會微行。憩一茶館中。乃萬三揮寶鈔。遂成。按此事。明人稗乘中多載。乃實事也。會微行。憩一茶館中。乃萬三揮

萬金子留兒開設者。而留兒狠毒無良。極言萬三之富。且謂其建閣以詛太祖。

太祖於是授留兒為錦衣指揮。而語李善長徐達常遇春劉基等。按吳元年始封。宣信鄂三

國公。宣李善長。信徐達。鄂常遇春也。劇中自道爵言萬三建高閣。與官殿相亞。

名極合。惟劉基則此時未封。不宜稱誠意伯耳。可闕禁中。令遇春率兵滅其家。基力諫乃止。按明太祖初即位。置儀鸞司。掌侍衛法駕。鹵簿。十五年罷。改設錦衣

衛其指揮使一人秩三品劇言留兒爲指揮使以應前三品之相法耳但洪武初基未設衛使其錦衣衛僅與諸衛等耳安得有所謂張留兒爲錦衣指揮也

又聽留兒言以教場大閱使萬三辦蓋廠窰瓦十萬片擺宴紅桌萬張果品肴

饌萬桌遇春奉命操演萬三果立辦劇言窰瓦非金陵所出麗娘設計以住沈氏租房者不下三千餘間令每間借瓦三

十片各館舖中有租桌萬張令購油紅紙料糊裱以應城內辦肴饌者令攜置教場每桌酬銀二兩于是三事皆咄嗟而辦按此不過欲誇張此女子有才耳

萬三欲犒軍太祖辦也留兒又獻計令萬三築西南外羅城限一月完工其城如限

皆繕惟西城三十餘步隨築隨倒命以繩懸萬三千長竿促限滿不完卽斷繩

墜萬三千江中竟賴神力其塌陷處亦得完工劇云太祖作鑿頭之會盡殺諸僧如來化身擁出地上口宣偈

言漸往西方而去偈末二句云飛飛燕子城邊過信信西方佛教尊留兒奏太祖言佛偈言城太低於是重築外羅城九十五里令萬三築西南一帶四十七

里許一月以內日夜督工已將竣矣其三十餘步不可築萬三急欲成工取聚寶盆投之盆被留兒誑去工卒不就麗娘求救于劉基基言此處係鬼子母汛

地五鼓時分脫鞋一隻汲山水以潑城牆上日色一晒其牆立頽乃教麗娘候於槐樹之下至五更初候鬼子母出緊執衣袂哀哭跪求乃許借一更天遂得

完工云此甚荒誕太祖乃授萬三戶部司務之職建鬼子母祠名其門曰聚其城工實萬三力也

寶按聚寶門乃取義於二字本非以聚寶盆之故蓋流傳者妄相扭合也又相傳此門每夕只打四鼓遂附會因沈萬三之妾求救於鬼子母於此一更築

完乃西城故令止報四更劇據俗傳演入也宋太祖因陳搏有寒在五更頭之讖乃令宮中轉六更孰知太祖以建隆元年庚申即位又閱五庚申至理宗景定元年則爲元世祖中統元年矣此宋時故事此云只打四更恐係牽扯賜銀錢一文令每日輪對合之利通計一月應一萬七百三十七萬四千八百八十二兩四錢按太祖實與銅錢非銀錢也如劇言則太甚矣戶工二部估計家產略如其數尙虧一百八十二兩二錢奏請依違悞軍需律斬羣臣共爲求寬乃謫三千里外充軍令張指揮押赴燕地留妻趙于家而挈麗娘同行會常遇春破元都追至漠北

劇言元兵遁去遇春追至海邊忽見萬丈金橋元兵由此而去遇春復欲渡海遇角端而止按金橋渡海之說鑿空荒誕元兵向直北去亦並未渡海也遇春兵破上都而還角端則元太祖西征事非明初事劇又以爲順帝已亡亦誤班師抵燕京按遇春克上都班師至柳河川而卒未嘗抵燕京也於諸衛中撥軍妻以造棉甲麗娘與焉遇春見其色美欲逼汚之麗娘知遇春素畏其妻遂呼救于鄂國夫人夫人陳氏根究其情勒令遇春上章奏明萬三寃狀夫人亦自奏馬后白萬三之寃斥留兒之惡按遇春畏妻明人傳記多載劇中形容太甚且遇春妻乃藍玉之姊今日陳氏亦誤馬后親至沈宅啟天燧閣視

之見龍牌及兩冊始盡悉其寃會太祖亦至知留兒陷害之故立命召萬三還

復其職。以所籍物賜之。又命誠意伯劉基鞫定留兒之罪。初留兒誑得聚寶盆。竊取試之。投金寶於內。失墮燭煤。立時火滿盆中。燬其屋舍什物幾盡。基用楊柳水灑之。火卽隨息。基語留兒云。聚寶盆是妖物禍根。須持去以滅其跡。留兒遂以予基。萬三南還。基已奏殺留兒。以聚寶盆復還萬三。萬三乃對衆人將盆擊碎。曾麗娘已生一子。遂與妻妾安居樂業。以終其身。餘冬敘錄。舊稱沈萬三家有聚寶盆事。云在沈氏貯少物。經宿輒滿。百物皆然。他人試之不驗。事聞太祖取入。試不驗。遂還沈氏。後沈氏籍沒。乃復歸禁中。嘗疑世豈有此物。物安有是理。比見宋初人吳淑秘閣閒談云。巴東下巖院主僧水際。得一青磁碗。攜歸折花供佛前。明日花滿其中。更置少米。經宿米亦滿碗。錢及金銀皆然。自是院中富盛。院主年老。一日過江檢田。懷中取碗。擲於中流。徒弟驚愕。師曰。吾死爾等寧能謹飭自守。棄之。不欲使爾增罪戾也。然則昔人亦嘗傳此。世界有此物乎。院主之識高矣。七修類稿。國初南都沈萬三秀者甚富。今會同館是其

故宅後湖中地是其花園。原住蘇之周莊京城自洪武門至水西門是其所築。太祖常

犒軍。萬三欲代出犒銀。上曰：朕有百萬軍，汝能遍濟之乎？對曰：每一軍犒金一

兩。上曰：此雖汝至意，不須汝也。由此遂欲殺之。太后苦諫，彼固富敵國，然未嘗

為不法事，奈何殺之？得流雲南。其壻余十舍，亦流潮州。今聞二家子孫尚富。

乃點化之術也。詳近峯聞略。據此築城是實事，犒軍固未嘗行也。流徙雲南亦非北徙。天祿識餘。沈富字

仲榮。行三人，因以萬三秀呼之。元末富甲江南，其弟貴以詩諷萬三云：錦衣玉

食非為福，檀板金樽可罷休。何事子孫長久計，瓦盆盛酒木棉裘。萬三不能聽。

貴遂隱於終南，不知所終。洪武初，每縣分人為哥畸，即官秀五等家給戶田一紙，畸最下，秀最上，每等中又各有等，鉅富者謂之萬

戶三秀，如沈萬三秀，乃秀之三者。又按稗乘言：萬三有子當永樂時，為錦衣帥，紀綱入幕之

賓，假借聲勢，復致巨富。劇言張麗娘有子，或即其人也。翦勝野聞：太祖嘗於上元夜微行京

師，時俗好為隱語，相猜以為戲，乃畫一婦人赤脚懷西瓜，衆譁然。帝就視，因諭

其旨，甚啣之。明日命軍士大僂居，民空其室。蓋馬后祖貫淮西，故云。此事雖戲，載雜說中。

未可遽信。劇又實。棋盤街一帶居民亦鑿。

野聞又云。洪武二十五年。下度僧之令。天下沙彌

至者三千餘人。中有冒名倩代者。帝大怒。悉命錦衣衛戮之。吳僧永隆請焚身

以救免。帝允之。勅中官以武士衛其龕。至雨花臺。出龕望闕拜辭。入龕。書偈一

首。又取香一瓣。上書風調雨順四字。語中侍曰。煩語陛下。若遇旱。以此香祈雨。

必驗。乃秉炬自焚。骸骨不倒。異香逼人。羣鶴盤旋。舞於龕頂上。乃宥三千人。誅

時大旱。命以所遺香。至天禧寺禱雨。至夜。雨大降。上喜曰。此真神聖。永隆雨也。

御製落魄僧詩以美之。劇中鐘頭會一折。緣此而增飾也。龍興慈記。太祖憫常開平遇春無

嗣。賜二宮女。妻悍。不敢近。晨起捧盂水盥櫛。開平曰。好白手。遂入朝去。及回。內

出一紅盒。啟之。乃斷宮女手也。太祖命力士支解其妻。分賜功臣。上寫悍婦之

肉。開平回。不見其妻。驚成癡癩。劇中極摹遇春畏妻。蓋本於此。但此段甚謬。洪武二年。遇春自上都還。卒於柳河。三年。其子茂

封鄭國公。其女選為懿文妃。安尚云無嗣。且茂又有弟早也。遇春妻藍氏。涼國公玉之姊。遇春歿後無恙。支解者又何人也。劇敘遇春北伐。回至燕京。妻救張

麗娘。更謬軍中安得與妻行也。王肯堂筆麈。俗傳沈萬三家有聚寶盆。以物投之。隨手輒滿。

用是致富敵國。後爲高皇帝碎而埋之金陵南門下。故名爲聚寶門。初疑其誕。今觀聞見錄所紀。則宋時有是事矣。主父齊賢自言少羈貧客。齊魯村落中有牧羊兒。入古墓中求羊。得一黃磁小扁瓶。樣製甚樸。時田中荳莢初熟。因用以盛之。纔投數莢。隨手輒盈滿。兒驚以告同隊兒。三四試之。皆然。道上行。人見之。投數錢。隨手亦盈滿。遂奪以去。兒啼號告其父。父方耕田。持鋤追行人。及之。相爭。競以鋤擊瓶破。猶持碎片以示齊賢。其中皆五色畫。人面相聯貫。色如新。夫金翅鳥心之爲如首珠也。有此功用矣。然彼神物也。此陶人之所爲耳。而其神如之異哉。

天中天

不知何人所作。演繹迦牟尼佛出世。以至雪山修道。忉利天宮說法一家眷屬。皆成正果。其說大概本諸內典。問雜以小說家言。取本行經天中天三字以爲劇名。略云。迦毗兜施羅國淨飯王。懿摩王孫。尸休羅子也。遷都雪山之北。因

其地有釋迦樹。遂號釋種。元妃摩耶夫人。德冠後宮。次妃大愛道。賢推列嬪中。年未有太子。摩耶夫人夜夢天神乘白象趨入右脇。覺而有娠。自是得種種異兆。踰年四月八日。在園林宴賞。俄有五色祥雲盤繞其間。又有仙樂從無憂樹杪擁護玉幢雲車而下。摩耶夫人心動。以手攀樹。而太子從右脇生。無乳。乳于大愛道。就浴金盆。卓然直立。周行七步。一手指天。一手指地。忽有金龍九條。口噴清泉。從頂灌足。太子毫無懼色。浴罷。莊嚴相好。愈加豐滿。時有三十四種瑞應。各國皆來貢獻。偷羅厥叉國王獻七寶毗羅帽。跋羅國獻錦爛袈裟。德叉尸羅國獻金鉢盂。拘娑國獻錫杖。各有天人先期指授。至是來獻。有淨居天王知佛出世。因緣化爲仙人。來見淨飯。指言四物。皆太子所用。爲將來出家之具。言訖不見。稍長。名曰悉達。從左相跋陀羅尼受書。悉達具夙慧。無書不知。輒以難其師。師愧服。悉達常欲棄家修道。淨飯命內監車匿以五百蒼頭防護。爲聲色玩好之樂。以悅其意。而悉達一無所嗜。出遊郊外。有獻猿猴鸚鵡。著喜猴能爲

和尙鸚鵡能念佛命解縉釋之時淨居天王復化作生老病死四相指點開示。悉達出家之志愈堅。初自悉達生七日。摩耶夫人卽升忉利天宮。善覺國王有女曰耶輸。德容俱美。各國求婚未得佳偶。耶輸夢遊天宮。見摩耶夫人。授以偈語。云。挽珊瑚。透鐵鼓。天中天。定婚譜。醒而告諸國母。云。國中舊傳鐵鼓七面。曾懸賞募射。無能射者。疑因緣在此。卽下令各國太子。有能射透鐵鼓者。卽以爲婿。聞聲而至者紛紛。悉達本無室家之想。淨飯王強促之行。至則一發而洞中。遂擇吉婚娶。合卺之後。名雖爲夫婦。而無男女之事。淨飯王使大愛道曲諭耶輸。亦對天禱告。願和諧生子。而悉達卒不動。天神感耶輸意。爲降甘露與夫婦共飲。耶輸一飲而有娠。時悉達年十九。棄家求道之心日切。而淨飯防之益至。不得脫。中秋夜。淨居天王來。以法使防衛之人悉酣睡。悉達乃得乘寶馬出城。淨飯及耶輸聞。遣車匿追之。悉達剃髮。使車匿攜歸謝其父。而飛錫雲遊。所遇皆旁門外道。惟目犍連見而知爲古佛降生。禮足立誓而別。瀕行謂有舍利弗。

及迦葉可與談道。囑向北行。渡恆河。經跋迦嶺。路途艱險。卒無退悔心。攀援前進。有白猿獻菓。鸚鵡供花。知爲釋放。前因而至也。淨飯知悉。達遠去。使跋陀羅尼同車匿窮追。相遇于嶺間。勸諭回家。悉達不從。忽有流泉一道。自山頂而下。匯爲深澗。隔斷來人。跋陀羅尼不得已而返。車匿投身入澗。願從悉達行。引之而去。淨飯王之從子提婆達多。悉達之從弟也。爲人凶惡。知悉達出家。覬淨飯王國位。而悉達去後。耶輸產一子。名曰羅喉羅。提婆達多謂非悉達所生。淨飯亦疑之。命達多持刀直入。殺其子母。空中有神。格刀墮地。得不死。悉達至雪山。尼連河畔。修持六載。大道將成。爲邪魔所妬。初使天女勾引。繼以毒龍猛獸。刀輪鐵丸種種怪異相加。欲破眞修。悉達金光普照。羣魔隨至。隨滅。各各皈依。頂禮而退。因緣旣至。遂成無上菩提。號釋迦牟尼佛。阿難舍利目犍連迦葉仙人。諸大弟子先後皆來侍座。欲建道場說法。諸弟子皆爲化緣。而提婆達多思欲壞道。百端謗毀。阻撓善緣。目犍連引之入地獄。使遍觀諸苦。猶不省悟。至後欲

出不得。目犍連使誦本師釋迦牟尼佛。卽時地獄光明。得出。隨卽皈依。羅喉羅漸長。佛使阿難以神通攝歸佛所。耶輸追之不得。發狂叫號。阿難引至佛前。開示數語。亦願出家。佛母摩耶夫人在忉利天宮。佛至天宮爲母說法。隨歸本國。爲父淨飯王上壽。王亦修行數年矣。上壽之日。摩耶夫人亦至。於是人天大會。

舉家眷屬。皆成正果云。本行經曰。淨飯王嚴駕抱太子。謁自在天神廟。神像起。禮拜太子足。王驚曰。我子於天神中。更爲尊勝。宜字天中天。卽佛第二小字。

也。此劇命名本此周書異記曰。周昭王卽位二十四年。四月八日。江河泉忽然泛漲。

井水溢出。山川震動。有五色光入貫太微。徧於四方。盡作青紅色。太史蘇由奏曰。有大聖人生於西方。一千年外。聲教及此。昭王卽敕鑄石記之。埋于南郊天祠前。此卽佛生之時也。又曰。周昭王二十四年。天竺迦維衛國淨飯王妃摩耶氏。夢天降金人。遂有孕。於四月八日。太子生於右脅。名悉達。多年十九。入檀特山。修行證道。元妙內篇曰。老子入關之西。天竺維衛國國王夫人名淨妙。

老子因其晝寢。乘日之精。入淨妙口中。後年四月八日夜半時。剖右脅而生。墮地卽行七步。舉手指天曰。天上天下。唯我獨尊。三界皆苦。何可樂者。於是佛教興焉。按春秋時老子尚在佛生於昭王時相去已久此說不的 普曜經曰。佛兜率天降神于西域迦維衛

國淨梵王宮。摩耶夫人剖右脅而生。時多靈瑞。生而能言。本相經曰。牟尼佛

年十九。踰城出家。學道勤行。精進禪定。六年成道。具三十二相八十種好。釋

道安西域志曰。摩訶賴國有阿耨達山。王舍城在山東南角。竹園精舍在城西。

又有佛浴所。六年苦行處。發跡經云。淨名大士是往古金粟如來。釋氏稽

古略。按明教大師正宗記曰。天地更始。閻浮洲方有王者興。曰大人。大人者沒

後。王因之繼作而巳。古今殆不可勝數。後世有王者曰大善生。大善生出懿

師摩。懿師摩出憂羅陀。憂羅陀出瞿羅。瞿羅出尼浮羅。尼浮羅出師子頰。師子

頰出淨飯王。然此七世皆王。獨懿師摩淨飯號爲聖王。如來卽出於淨飯聖王

者也。始如來以往世會然燈佛於蓮華城。然燈授之記曰。汝後成佛如我。號曰

釋迦牟尼更劫無數。逮迦葉佛世。乃以菩薩成道。上生於觀史陀天。應其補處。號護明大士。及其應運適至。大士乃以迦毗羅國。處閻浮提之中。白淨飯王。眞轉輪族。宜因之以生。卽捐天壽。示乘白象。從日中降神。於其母摩耶夫人右脅而止。及其將生。摩耶乃往國苑無憂木下。其花方妍。夫人欲取之。舉手。聖子乃自其右脅而誕。神龍澍水以澡之。地發金蓮以承之。聖子乃四方各踏七步。以手上下指之。曰。四維上下。唯我最尊。王尋持之。與謁天廟。天像起爲之致禮。還宮。大集賢者。爲其名之。號曰薩婆悉達。稍長。命師傅教以世書。未幾。立爲太子。爲娶。太子已大潔清。雖示同世娶。而非有凡意。以夙業緣。乃指其妃之腹。云。卻後六年。汝當生一男。一旦命駕欲遊。雖更出四門。而皆有所遇。終以其老病死。與沙門者感之。而出家之意愈篤。太子時年十九歲。二月八夜。乘馬出自北門。至檀特山。小息林間。遂釋衣冠。自以其所佩寶劍。截其鬚髮。誓曰。願共一切斷。此煩惱淨居天化人。以僧伽梨致太子。因得法服。服之。進入其山嘉處。彌樓寶。

山居其阿藍伽藍。習不用處。定三年。復進鬱頭藍處。習非非想。定三年。進象頭

山。雜外道輩爲之苦行。日食麻麥。居六年。以無心意無受行。而外道亦化。聖人

乃自思之曰。今此苦行。非正解脫。吾當受食。而後成佛。卽沐浴於尼運河。受牧

牛氏女所獻乳麋。尋詣畢鉢木下。天帝化人。擷瑞草以席其坐。以二月七日之

夕。周建子爲正月。丑爲二月。漢正復建寅。丑爲十二月。入正三昧。八日明星出時。示廓然大悞。乃成等正

覺。陞金剛座。天帝師之請轉法輪。先是橋陳如五人侍從。於山中至此。首與度

之。故入鹿野苑。談四諦法。然因是而得道果者。亦億計。遂獨之摩竭提國。化優

樓迦葉弟兄三人。時國主瓶沙王有竹林園。施佛爲精舍。請如來館之。未幾。王

舍城舍利弗目犍連皆從受化。如來曰。彼二來者。當爲我上足弟子。於是度之。

初大迦葉入山習禪。至是趣竹林精舍。如來起迎。謂衆曰。吾滅後而法被來世

六萬歲者。此人之力也。是時如來成道已六載矣。後迎之還國。以見父王。父王

大喜。因詔其族五百貴子從之出家。及其還宮也。其子羅喉羅禮之。持聖人之

衣而告衆曰。此正如來也。用是爲母釋其羣疑。其後以化期將近。乃命摩訶迦葉曰。吾以清淨法眼。涅槃妙心。實相無相。微妙正法。今付於汝。汝當護持。并敕阿難副貳傳化。無令斷絕。而說偈曰。法本法無法。無法法亦法。今付無法時。法法何曾法。偈已。復謂大迦葉曰。吾將金縷僧伽梨衣。亦付於汝。汝其轉授補處。慈氏佛。俟其出世。宜謹守之。大迦葉敬奉佛勅。世尊一旦往拘尸那城娑羅雙木之間。欲般涅槃。會純陀長者。懇獻供養。如來因之。復大說法。度須跋陀羅。右脇而臥。泊然大寂。內之金棺。待大迦葉至。而後三昧火燔然。而焚燼已。而舍利光燭天地。天人神龍。分而塔之。又曰。稽夫如來之生也。當此周昭王七年甲寅之四月八日。其出家也。當昭王之二十七年壬申之二月八日。其成道也。當昭王三十三年之戊寅。其滅度也。當穆王三十六年壬申之二月十五日。化已。凡一千一十七年。以漢孝明帝永平十年丁卯之歲。而教被華夏。嗚呼。如來示同世壽。凡七十九歲。以正法持世。方四十九年。化度有情。不可勝數。若如來之

生與滅。及其出家成道。或當周昭王穆王之年。然自周武王至厲王皆無年數。及宣王方有之。舊譜乃曰。昭王九年二十七年三十三年。穆王之三十六年。或者頗不以爲然。吾嘗辨之。故考太史公三代世表。視其序曰。余讀諫記。黃帝以來皆有年數。稽其曆譜。諫終始五德之傳。古文咸不同乖異。夫子之弗論。次其年月。豈虛哉。以此驗三代以前。非實無年數。蓋太史公用孔子爲尙書之志。故不書其年。乃作世表。嵩又評曰。其付法於大迦葉者。其於何時。必何以明之。曰。涅槃會之初。如來告諸比丘曰。汝等不應作如是語。我今所有無上正法。悉已付囑摩訶迦葉。是迦葉者。當爲汝等作大依止。此其明矣。涅槃經第二卷。正宗記又評曰。寶林傳燈一書。皆書天竺諸祖入滅之時。以合華夏周秦之歲甲。然周自宣王已前。未始有年。又支竺相遠數萬餘里。其人化滅。或有更千餘歲。其事渺茫隔越。吾恐以重譯比較。未易得其實。輒略其年數甲子。且從而存其帝代耳。唯釋迦文佛菩提達磨。至于中國六世之祖。其入滅年甲。稍可推校。乃備書也。

正宗記者。宋杭州佛日禪師契嵩之所作也。

大椿樓

不知何人所作。演唐李泌功成歸隱衡山。詔有司治室。御題所居樓曰大椿。故名。中間事蹟與正史離合參半。前後歲月亦多不符。略云。李泌字長源。荊州

人。按史魏八柱國弼六世孫。徙居京兆。非荆人也。與肅宗爲布衣交。參帷幄。克復兩京。性耽高隱。辭歸

衡山。聞山中有懶殘和尚者。過訪之。懶殘方食芋。見卽知泌姓名。謂必高隱絕俗。然尙須向富貴場中打破錢關。方能入道。囑出山領取十年宰相。泌果奉召入京。回紇入寇。逼近靈州。靈州人盧從愿官尙書。解組家居。按史從愿臨漳人。有一女。

小字和璧。德容俱美。性喜淡泊。及笄未字。從愿有兩姨表妹。爲宰相元載妻。聞警。遂挈女避兵至京。以女託載夫婦。愿則返靈州。時載方通賄賂。尙豪華。極聲色之欲。娶妾曰薛瑤。英善歌舞。載寵之。居處服食若仙神。瑤英有心疾。惟食胡椒卽止。有贈者輒收之。至八百石。泌至陝。肅宗與行軍軍士指黃衣者爲聖人。

白衣者爲山人。卽賜紫授官。

此在靈武事。非衡山再起後。

載與內官魚朝恩皆妬泌。謀中傷

之。懶殘知泌方有事。入京與語。幻爲名韞利關。使泌入夢。知世人於錢關爲最

難破。時載與朝恩皆貪墨。外雖合而中實水火。載言于上。遣朝恩與回紇議和。

朝恩啣之。使回紇索載女爲其子配。方許。和上命載如其請。載惟一女。不忍嫁

外國。乃欲以從愿女和璧爲己女代嫁。和璧許之。而請自見上。見則直陳姓氏。

謂不宜失信于異域。上怒。立命朝恩勒載親女出嫁。而問和璧以所願從。璧奏

願適一白衣以終老。不樂富貴也。帝乃於光福坊置第一區。賜泌與和璧爲婚。

回紇得載女。嫌其貌醜。且無奩贈。置其女於陰山。復大舉入寇。朝命郭子儀爲

元帥。長史泌爲參謀。率兵拒勦。泌知回紇貪甚。欲以金錢餌之。和璧亦知兵。言

與泌合。遂以計告元戎。子儀用金錢數萬。糗糧百斛。與敵對陣時。拋擲誘之。敵

爭得錢。負重不復進。泌與子儀率兵奮擊。回紇敗走。被擒。凱還。子儀晉封汾陽

王。泌封鄴侯。載朝恩爭寵。互收款迹。劾奏。上命誅朝恩。勒載自盡。籍其家。妻妾

沒入宮。和璧不念舊惡。勸泌爲載言於上。得稍寬。且以銀贈之。泌力請歸山。御製詩贈行。詔于衡山下建樓房一所。御書大椿樓額以賜之。泌生一子。與子儀聯姻。且勸之早退。迎從愿俱去。後數年。子儀亦隱。泌復生孫。生日設壽筵於大椿樓。麻姑送酒至。舉家眷屬共飲之。皆成仙。按通鑑云。唐天寶十五載。李泌至靈武。初。京兆李泌以才敏著聞。元宗欲官之。不可。使與太子爲布衣交。楊國忠惡之。奏徙斬春。後隱居潁陽。上自馬嵬遣使召之。謁見於靈武。上大喜。出則聯轡寢。則對榻。事無大小。皆咨之。上欲以泌爲右相。泌固辭曰。陛下待以賓友。貴於宰相矣。上乃止。九月。以廣平王俶爲天下兵馬元帥。李泌爲侍謀軍國。元帥長史。上與泌出行軍。軍士指之竊言曰。衣黃者聖人。衣白者山人。上聞。以告泌曰。艱難之際。不敢相屈以官。且衣紫袍。以絕羣疑。泌不得已受之。上笑曰。旣服此。豈可無名稱。出懷中敕。以泌爲侍謀軍國。元帥府行軍長史。泌固辭。上曰。俟賊平。任行高志。肅宗至德二載。李泌歸山。泌求歸山不已。上固留之。不

能得。乃聽歸。敕郡縣爲築室於山中。給三品料。乾元元年。册命回紇可汗爲

英武威遠毗伽闕可汗。以上幼女寧國公主妻之。按此則非元載女。又時以僕固懷恩女妻吐蕃。亦非元載

女。寶應元年。以元載同平章事。代宗大曆三年。徵李泌於衡山。泌既至。復

賜金紫。爲之作書院於蓬萊殿側。上時過之。欲以泌爲相。固辭。按此則非肅宗時事。五年。

魚朝恩伏誅。十二年。誅元載。載妻子皆伏誅。有司籍其家。胡椒至八百石。他物

稱是。劇以爲薛瑤英喜啖胡椒所致。可供一晒。又按唐書李泌傳云。初泌無妻不食肉。帝乃賜光

福里第。詔食肉。爲娶朔方。故留後李暉甥。婚日。敕北軍供帳。按此則賜婚非元載甥。亦非盧從愿

之女。劇中借此一段事影射。地志。衡山烟霞峯。僧懶殘居此。旁即李鄴侯讀書處。又云。天

寶初。懶殘居衡嶽寺。爲衆僧執役。食退即收所餘。性懶而食殘。因名懶殘。李泌

寓衡。嘗夜訪懶殘。方撥火中煨芋。出半芋食之。曰。慎勿多言。領取十年作相。後

果然。其事互見鄴侯家傳等書。情史云。元載末年。納薛瑤英爲姬。處以金絲

帳。卻塵褥。衣以龍綃衣。載以瑤英體輕。不勝重衣。於異國求此服也。惟賈至楊

炎雅與載善。時得見其歌舞。至贈詩云。舞怯珠衣重。笑疑桃臉開。方知漢武帝。虛作避風臺。炎亦作長歌美之。略曰。雪面澹娥天上女。鳳簫鸞翅欲飛去。玉釵碧翠步無塵。楚腰如柳不勝春。國史補。李相泌以虛誕自任。有人遺美酒一榼。會有客至。乃曰。麻姑送酒來。與君同傾。傾之未畢。闔者云。某侍郎取榼子。泌命倒還之。略無忤色。劇中麻姑送酒本此。